

Markussi Ɖia Dzadkanni Gamoe Nastshul.

Markussi speche skor.

I speche naŋŋa i specha ɗikanni skorla caŋ Griiste medte innog, innaŋ sŋunme chostshogssi uskyoŋgunni Griiskangun gyudte i specha ɗikan Yohanan Markus inkanbo gys chanog. Khoe skorla mashike skutshabsgunni chaglassi speche naŋŋa 12:12 taŋ 25 yaŋ 15:37 naŋŋa ɗia dzadte yodte innog. Markus Piŋarri ɗopa ma nyemozhig inpin, yaŋ khoa Piŋarri tedussi Mashikapagunla labzha maŋpo salkangun gyudte Tsooe molkan taŋ chaglas tshaŋme skorla tshor. Tshorte stiŋne, khoe te tshaŋma tshir naŋzhin ɗia dzads, kabo ɗadaŋgunla dagsa Markussi ɗia dzadkanni gamoe nastshulli naŋŋa thobbanog.

Chossi khaspa maŋchea i spechabo Yeshu ɗoŋste sonŋea zhaŋste stiŋne lo 17 taŋ 27 ni nyekhorla ɗia dzadkanboa khachamste innog. Markus Rommi gyalse naŋŋa yod zane, Rommi gyalpo nero kane nags thoŋcescan Rommi naŋŋa dugkan Yahudapa mankan tatpacangunni phia khoŋŋi i chagɗispo ɗia dzads.

I chagɗis ɗicessi gyuntshangun ni:-

Taŋpo, tatpa cokaŋ taŋ macokaŋ nyiskoe snyiŋŋi naŋŋa Yeshu Konchoggi ɗas inkanbo tantan cocugcespo innog.

Nyispa, Mashikapagunla sdugsŋal cuŋcessi phia ɗalɗig coces kazug Yeshui khoŋ ɗulla dzadkanni lammika ɗulkangunla sdugsŋal thoŋin molte lan maŋpo labba dzads.

Sumpa, Yeshu Mashika Konchoggi ɗas in innaŋ, i jigstennika zhabstog lencesla maŋpa, zhabstog zhuala skyods.

Zhipa, Yeshui zhabstoggi chaglaspo ni, migun sdigpe kane skyobcespo inpin.

Ŋŋapa, Yeshui chaglasgunni khoŋ citshaŋme, (Yaŋna i jigsten, semsnyiddi jigsten, namzaa, zumogun taŋ shices) Tsoo taŋ sponbo inkanbo stannanog..

Yohanan thussalkanni migun ɗalɗig coa dzads.

1:1 ne 8

1 ¹ Ibo ni Konchoggi ɗas Yeshu mashike skorla gamoe nastshulbo innog. Iboe gozug ni, ² luɗstonpa yeshaye speche naɗɗa ɗia dzadkan naɗɗhin Konchoggi mols,

"Stos, khyoraɗɗi saɗ sɗunla ɗe ɗaraɗɗi lonkhyerkanbo kalin.

Khoe khyoraɗɗi phia lam ɗalɗig coin.^a

³ Khoe ristoɗɗi naɗɗa kuco taɗin migunla zerin,

"Tsoo phebshesla ɗalɗig coshig,

Yaɗ khoɗɗi phebslambo ɗaɗpo coshig.^b "

⁴ Thussalkan Yohanan ristoɗɗi naɗɗa skyodte migunla, shagspa thobcessi phia sɗigpa cokangunnika gyodpa coste thuslencesla chosshads. ⁵ Yerushalemmi gyalse migun theste yahude yulmi gaɗpo biɗste Yohananla staces taɗ nyannala soɗ. Khoɗgunni raɗraɗɗi sɗigpe lasgun migunni dunla shads pasaj Yohananni khoɗgunla Yordan ltsaɗspoe naɗɗa thussalla dzads. ⁶ Yohananni rɗaboɗɗi Baalla thagskanni Kos taɗ, skedpa koe skerag ciɗɗadpin, yaɗ butsig taɗ ristoɗɗi raɗstsi zadpin.

⁷ Yohananni khyabɗags cos, "Ɗe stiɗne skyodcescanbo, ɗe saɗ maɗɗa waɗcan, yaɗ zhabshi tsogsla ɗaa ghuste khoɗɗi zhabldams tolcessi ospa med. ⁸ Ɗe khyozhagunla chu nyampo thus taɗɗad, innaɗ khoɗɗi, khyozhagunla dampe thugnyid nyampo thussalin."

Yeshua thussals.

1:9 ne 11

⁹ Zhagshig Yeshu Galillii yuljoɗssi Natsared ɗoɗkhyerne skyods, yaɗ Yohananni khoɗɗa Yordanni ltsaɗspoe naɗɗa thussalla dzads. ¹⁰ Yeshu chui naɗne phiɗɗacig, khoɗɗi namkhaa bete dampe thugnyid khoɗɗika phurgonzhiggi tshulla babsin zigs.

¹¹ Yaɗ namkane suɗskadshiggi mols, "Khyoraɗ ɗe butsha cespabo in, khyoraɗ nyampo ɗaa maɗante thadpo in.

^a1:2 ibone zhalchad snyiɗpe malaki speche naɗɗa 3:1 naɗɗa yodte innog.

^b1:3 ibone zhalchad snyiɗpe yeshaye speche naɗɗa 40:3 naɗɗa yodte innog.

Shetanni Yeshu sdigpe naŋŋa gyelcugcessi stsonḍus.

1:12 ne 15

¹² Tennamalla Konchoggi thugnyiddi Tsoo Yeshu ristonŋi naŋŋa khyerra dzads. ¹³ Karu shetanni, zhag 40 Yeshu sdigpe naŋŋa gyelcugcessi stsonḍus cos. Tedus khoŋ rii semscangunni ʈoa yod zane, Konchoggi phonyagunni khoŋŋa stastog coa dzads.

¹⁴ Yohanan zumste tsonkhaŋŋi naŋŋa kagste stiŋne Yeshu Galillii yuljoŋssi naŋŋa skyodda dzadte Konchoggi gamoe nastshulbo shadda dzads. ¹⁵ Yeshui mols, "Zhalchad dzadkanni tuspo lebste innog. Konchoggi gyalʂid nyemo innog. Teboephia gyodpa coste raŋraŋŋi sdigpagun phaŋste gamoe nastshulli naŋŋa tatpa cos."

Gome lobʈuggun.

1:16 ne 20

¹⁶ Tsoo Yeshu Galillii tshoe thamane zhabḍul dzadin yodtus, khoŋŋi Shimon taŋ khyoe no Endriu tshoe naŋŋa nyadol phaŋin zigs, ciazerna khoŋgun nya zumkan inpin. ¹⁷ Yeshui khoŋgunla mols, "Ŋe gyabne yoŋste ŋe lobʈug gyur, tanepharla ŋe khyozhagunla nye tshabsla migun zumces labin." ¹⁸ Tennamalla nyadol spaŋste khoŋgun Yeshui gyabne ḍaŋs.

¹⁹ Tekane tsapig thagriŋŋa skyoddacig, Yeshui zebeddii butsha Yakob taŋ Yohanan zigs. Khoŋgunni ʈuziŋŋi naŋŋa khoranŋunni nyadol ḍaldig coadpin. ²⁰ Tennamalla Yeshui khoŋgunla bodda dzads, yaŋ khoŋgun khoranŋunni aba zebeddi lapagun nyampo ʈuziŋŋi naŋŋa borte Yeshui gyabne ḍaŋs.

Yeshui goŋpogun phiŋŋa dzads.

1:21 ne 28

²¹ Tsoo Yeshu taŋ khoŋŋi ʈopagun Kapharnahum ḍoŋkhyerla skyods. Shabbaddi ŋaltshoe zhagpo lebbacig, khoŋ Yahudape dukhaŋŋi naŋŋa skyodte chosshadces gozugs. ²² Migun khoŋŋi labzhagunnika halas, ciazerna khoŋŋi labzhagun chosthimsla khaspagun tsogs medpa, waŋcha nyampo salladpin.

²³ Dukhaŋŋi naŋŋa goŋpo zhugskanni mizhiggi hunmedla kuco ʂaŋte taŋin zers, ²⁴ "Natsaredpa Yeshu, nyeraŋŋa ŋazhagunni kane ci gossad? Nyeraŋ ŋazhagun

medkan coala skyodte inna? Nyeraŋ su zhugste inkanbo ŋaa gyusyod. Nyeraŋ Konchoggi dampabo zhugste innog."

²⁵ Innaŋ Yeshui khoa khaskyeya dzadte mols, "Cubcod, khoe naŋne biŋte yoŋ."

²⁶ Tennamalla, goŋpoboe te mibo maŋaŋte ŋugs, yaŋ kuco taŋin khoe naŋne biŋte soŋ.

²⁷ Mitshaŋma ŋaŋte halaste cig taŋ cigga ŋis, "Ibo kazugshig innog? Soma labzha waŋcha yodkanzhig. Khoe ka taŋkanboa goŋpogunniaŋ khaa nyandug." ²⁸ Khoŋŋi skorla nastshulbo Galillii yuljoŋs gaŋpoe naŋŋa gyogspa phel.

Yeshui mi maŋpozhiŋ phancugga dzads.

1:29 ne 34

²⁹ Tsoo Yeshu Yakob taŋ Yohanan gun nyampo dukhaŋne biŋte khoŋŋi lobtuŋ Shimon taŋ khoe no Endriui khaŋpa skyods. ³⁰ Khoŋgunni Yeshua Shimoni name ama tshad yoŋste maltse naŋŋa yodkanboe skorla shads, ³¹ Yeshu ama yodsa skyodte khoe lagpa zumste khoa laŋcesla rogs dzads. Tene khoe tshadpo medkan soŋ, yaŋ khoe khoŋgunla zhabstog zhus.

³² Tenna phitog nyima skyod tsharte stiŋne, migunni zumo yodkan taŋ rdud zhugskan tshaŋma Yeshu yodsa khyoŋs. ³³ Doŋkhyerri mi gaŋpo ghoe dunla dzoms. ³⁴ Zumo snatshogs yodkan maŋpo Yeshui phancugga dzads, yaŋ rdud zhugskan maŋpoe naŋne rdud phiŋŋa dzads, innaŋ khoŋŋi, rdudgunla spera taŋ cugga madzads, ciazerna tegunni khoŋ su zhugskanbo shessadpin.

Yeshui Galillii yuljoŋssi naŋŋa chosshadda dzads.

1:35 ne 39

³⁵ Stiŋmazhaggi ŋatog namlaŋssi saŋ sŋunla, Tsoo Yeshu zhaŋssa dzads yaŋsuaŋ medse nassazhigga moslam zhuala skyods. ³⁶ Shimon taŋ khoe topagun khoŋ tsalla soŋ. ³⁷ Khoŋ thobbacig khoŋgunni zers, "Tshaŋme nyeraŋ tsaldug."

³⁸ Innaŋ Yeshui lansals, "Dadaŋgun nyekhorri zhanyaŋ doŋkhyergunla chen yaŋ ŋe khoŋgunlaŋ chosshadin. Tenna gyuntshanboe phia ŋaa yoŋste in." ³⁹ Teboephia khoŋ Galillii yuljoŋs gaŋpoe dukhaŋgunni naŋŋa labzha salin, rdud zhugskangunni naŋne rdudgun phiŋin skyods.

Yeshui dzenadcanni mizhig phancugga dzads.

1:40 ne 45

⁴⁰ Dzenadcanni mizhig Tsoo Yeshui dunla yoŋs yaŋ pigdoŋ tsugste juju zhuin zers, "Nyeraŋ thugsthadna ŋa gyalcugste stsaŋma dzad nyannanog."

⁴¹ Snyiŋrje gaŋste yodcespoe, Yeshui chag ŋkyaŋste khoa thugcugga dzadte mols, "Ŋa khyoraŋ gyal cugte stsaŋma coa thaddarag." ⁴² Tennamalla dzenad pagspe nadpo medkan soŋ yaŋ mibo phan. ⁴³ Yeshui kho logste lamcugga dzad zane, spaŋ ŋante pudin molla dzads, ⁴⁴ "Suaŋ mashad, innaŋ soŋte raŋŋi zugspo lama ston yaŋ luŋstonpa Mozessi ka salkan naŋzhin Konchogga chodpa phul, tebo migunla khyoraŋ stsaŋma chakanni spaŋpo in."

⁴⁵ Innaŋ kho soŋte khoa cuŋkangun mitshaŋmala shadin nastshulbo khyabsshugs, teboe zhaste khoŋ migunla thoŋcugste kazug doŋkhyerzhiggi naŋŋaŋ skyod manyan. Khoŋ mi medse nasse naŋŋa zhugs, teneaŋ migun karuŋsane khoŋ yodsa yoŋs.

Đul manyankanni mizhig phancugga dzads.

2:1 ne 12

2 ¹ Zhag khaciggi stiŋne Yeshu Kapharnahummi doŋkhyerla logste skyoddacig, khoŋ khaŋpa logste skyodkanni nastshulbo gyogspa phel ² yaŋ izam mi maŋpo dzom, khoŋŋi khaŋpa matshad goe philoggaŋ nassa stoŋpa malus. Khoŋŋi migunla Konchoggi ka shadda dzads zane ³ migunni zaphogkanzhig khoŋ yodsa khyoŋs, kho miŋgo zhi maltseka khurte yodpin. ⁴ Mitshogssi zhaste, khoŋgunla kho Yeshu yodsa khyoŋ manyan. Khoŋgun khaŋpe khethogga soŋte Yeshu zhugste yodse khađaŋŋa holtor pudte maltsaa nyampo kho Yeshui dunla phabs. ⁵ Khoŋgunni mibo gyalcugcessi tatpa cokaŋbo Yeshui zigste khoŋŋi zaphogkanboa mols, "Butsha, ŋe khyoraŋŋi sdigpaŋunla shagspa taŋŋad."

⁶ Teka dugste yodkanni chosthimsa khaspa khaciggi semssi naŋŋa sams, ⁷ "Khoe tezog cia zerranog? Khoe dadlog coste innog. Konchog mastog sua sdigpa shagspa sal nyanin."

⁸ Tennamalla khoŋgunni semssi naŋŋa samkaŋbo Yeshui khyente khoŋgunla mols, "Khyozhe khyozharaŋŋi semssi naŋŋa izug cia sammad? ⁹ Zaphogkanboa, 'Khyoraŋŋi sdigpaa shagspa taŋste in' zercespo lamo innogga ya 'Laŋste khyoraŋŋi maltsa khurte đul' zercespo? ¹⁰ Innaŋ mirigssibua jigstennika sdigpaa shagspa

tañcessi wañchaa yodkanbo khyozhaa stanin" tene Yeshui zaphogkanboa mols,
¹¹ "Ɖe khyorañ zerrad, loñs, rañji maltsa khurte khañpa soñ."

¹² Tennamalla mi stakan tshañme dunla kho lañste khorañji maltsabo khurs yañ ðulte soñ. Khoñ tshañma halaste Konchogga stodpa phulin zers, "Ɖazhagunla, i tsogsshig mane mathoñ."

Yeshui Madtha bodda dzads.

2:13 ne 17

¹³ Tene yañskyar Tsoo Yeshu Galillii tshoe thama skyods, yañ khoñ yodsa yoñkanni mitshogsgunla chosshadda dzads. ¹⁴ Khoñ zhabðulla skyod zane khoñji Alphaiussi butsha Livi, thalnense nasseka dugste yodda zigs yañ khoñji khoa mols, "Ɖe stiñrañne ðoñs." Kho lañste Yeshui stiñrañne ðañs.

¹⁵ Stiñne Yeshu Livii khañpa goñzan donnala skyods, thallenkan tañ zhan sdigcan mi mañpoañ Yeshu tañ lobtuggun nyampo kharji zala yodpin (Yeshui stiñrañne ðañskan mañchea tetsogssi migun inpin). ¹⁶ Pharushipa chosthimsla khaspagunni, Yeshu thalnenkan tañ sdigcan gun nyampo dontañ donin thoññacig, khoñji lobtuggunla ðis, "Khoñ thallenkan tañ sdigcan migun nyampo cia dontañ donnanog?"

¹⁷ Yeshui tebo sannacig khoñgunla mols, "Zumo yoñkanzhigga mane khamzañ mizhigga amchi gossa manog. Ɖaa khyozha ðaño in samkangunla manpa, sdigcangunla bodda yoñspin."

Yeshui nañña mitshe phudtshul somabo, snyiñpabo sañ soso innog.

2:18 ne 22

¹⁸ Yohananni lobtuggun tañ pharushipagun nyenasla^c dugste yoddi tusshigga, mi khacig, Yeshu yodsa yoñste ðis, "Yohananni lobtuggun tañ pharushipagun nyenasla dugdug, innañ nyerañji lobtuggun cia nyenasla dugga manog?"

¹⁹ Yeshui lansals, "Bagstonni nañña magpa nyampo yod zane khoe ðonpogun nyenasla duginna? Midug. ²⁰ Innañ tuspo lebin nam magpa ðonpogunne pheste khyerin, tene khoñgunni sdugpo coste nyenasla dugin."

²¹ "Suzhiggiñ koslag snyiñpazhigga ras some lanba tabba manog, galtes tabna Kos ðhuacig lanba somabo khoñste Kos chadkanbo mañña thua coanog."

^c2:18 yañna roza

²² "Tenna tsogsla chaŋ soma pagspe skyapa snyinpe naŋŋa milug. Galtes lugna chaŋboa skyur laŋste pagspe skyapa boste chadin, chaŋ bote skyapaŋ dodmed chen. Chaŋ soma pagspe skyapa some naŋŋa lugin.

Yeshu shabbaddi zhaggi Tsoo.

2:23 ne 28

²³ Tsoo Yeshu shabbaddi ŋaltshoe zhagga zhiŋ gyudte skyodin yod zane, khoŋŋi lobtuggun khoŋ nyampo dulladpin. Khoŋgunni zhiŋŋi snyema cadces gozug.

²⁴ Pharushipagunni Yeshua zers, "Stossaŋ khoŋgunni shabbaddi ŋaltshoe zhagga las coste cia chosthims cagganog?"

²⁵ Yeshui lansals, "Dabid taŋ khoe topagun stogste yaŋ gosdommi naŋŋa yod zane ci cos dampe suŋrabssi naŋne khyozhe mane masilpinna? ²⁶ Abiaṯhar Yahudape lama chenmo inni tusla, Dabid Konchoggi kurri chodpa phulse nasse naŋŋa soŋte dampe tagi zos, tebo Yahudape lamaa mane zachogga medpin, yaŋ khoe, topagunlaŋ taŋs."

²⁷ Tene Yeshui khoŋgunla mols, "Mi ŋaltshoe zhagpoe phanthogssi phia manpa, ŋaltshoe zhagpo mii phanthogssi phia coa dzads. ²⁸ Tennaboephia mirigssibua shabbaddi ŋaltshoe zhagga ci co chogs ya michogs zercessi waŋcha yod."

Yeshui shabbaddi zhagga mizhig phancugga dzads.

3:1 ne 6

3 ¹ Tsoo Yeshu dukhaŋŋa yaŋskyar skyods, teru lagpa khoŋste kol manyankanni mizhig yodpin. ² Yeshui kho gyalcugna shabbaddi ŋaltshoe zhagga las cocespoa skyon kalcesla pharushipagunni khoŋŋa gyalla coste stendugs.

³ Lagpa khoŋskanni miboa Yeshui mols, "Yoŋ yaŋ tshaŋme dunla loŋs." ⁴ Tene khoŋŋi khoŋgunla ṯia dzads, "Chosthims naŋzhin shabbaddi zhagga las zaŋpo co chogganogga ya ŋanpa, soŋ skyob chogganogga ya sad?" Innaŋ khoŋgunni khoŋŋa lan mataŋs.

⁵ Yeshui thugssoe naŋŋa khoŋ rerea zigs, yaŋ khoŋgunni snyin skyoŋpo zigste khoŋŋa maṣaŋte thugstsher skyods. Khoŋŋi lagpa khoŋskanboa mols, "Lagpa ṣkyoŋ" yaŋ khoe lagpa ṣkyanṣpa tebo siŋ gyal. ⁶ Tene pharushipagun philogga soŋte, gyalpo Herodadi chogspagun nyampo Yeshu sadcessi thabs ŋanpa ldiŋs.

Mitshogs Yeshui stiņraņne soņ.**3:7 ne 12**

⁷ Tsoo Yeshu lobtuggun nyampo tshoe chogsla skyods, yaņ Galilline mitshogs chenmozhiņg khoņņi stiņraņne yoņs. ⁸ Yeshui dzadkan tshaņme skorla tshorpa, te mitshogspo Yahuda yuljoņs, Yerushalemmi gyalsa, idumea, Yordan ltsaņspoe shar chogssi sachagun, yaņ caņ chogssi thagriņņi nassa Thayir taņ Sidon gyalsa gunne yoņste inpin.

⁹ Mitshogssi khoņ nan minancessi phia Yeshui khoņņi lobtuggunla tuziņzhiņg đaldig cocesla mols. ¹⁰ Khoņņi mi maņpo phancugga dzadcespoe, zumo yoņkan tshaņme khoņņa lagpa thugcesla nante khyoņņadpin. ¹¹ Yaņ goņpogunni khoņ jallacig, khoņgun zhugste yodkanni migun Yeshui skundunla saa gyabste kuco taņin zers, "Nyeraņ Konchoggi řas zhugste innog." ¹² Innaņ Yeshui goņpogunla khoņ su zhugste inkanbo mishadcesla ka salla dzads.

Yeshui skutshabs rcugnyisgun ldamma dzads.**3:13 ne 19**

¹³ Teboe stiņne Tsoo Yeshu rizhiggika skyodte khoņņi ldamma dzadkangunla bodda dzads, yaņ khoņgun khoņ yodsa yoņs. ¹⁴ Khoņņi bodda dzadkan rcugnyispo khoņraņņi skutshabsla skoa dzads. Khoņgunni khoņņa tōpa coces yaņ khoņņi khoņgun chosshadcesla lamcugga dzadin, ¹⁵ yaņ khoņgunla rdudgun phiņcessi waņcha salla dzads. ¹⁶ Khoņņi skoa dzadkanni skutshabs rcugnyispo ni, Shimon (Yeshui khoe miņņa Pitar tagga dzads), ¹⁷ zebeddii butsha Yakob taņ khoe no Yohanan (Khoņ nyisko řonjan yodpa, Yeshui khoņgunla "Boyanerge" yaņna "Đugldirri butshagun" miņ tagga dzads). ¹⁸ Endriu, Philib, Bartholma, Madtha, Thomas, Alphaiussi butsha Yakob, Thaddaus, Shimon (Yuldadcan), ¹⁹ taņ Yuda karyodpa kaboe Tsoo Yeshua stiņne ņolog cos.

Yeshui đaogunni khoņņa rdudgunni gyalpo zers.**3:20 ne 30**

²⁰ Tene Tsoo Yeshu khaņpazhiggi naņņa skyods. Mitshogs dzomces gozugspa, khoņ taņ khoņņi lobtuggunla zannaņ zaccessi tus mathob. ²¹ Te tshaņma Yeshui naņmigunla tshorracig, khoņgun Yeshu khaņpa thidte khyercesla yoņs, ciazerna migunni, "Khoņ snyoste innog" zerradpin.

²² Innaj Yerushalem gyalsane yonşkanni chosthimsa khaspagunni zers, "Khoenaj Belzebul zhugste innog. Te rdudgunni gobe khoa rdudgun phiñcessi khyud tañste innog."

²³ Yeshui khoñgunla bodda dzadte spe salin lansalla dzads, "Kazuggi shetanni shetan khoraj phiñ nyannanog? ²⁴ Galtes gyałsiddi najja yodkangun thunte madugna tebo thañspo milus. ²⁵ Galtes najtshañshiggi migun nolin dugna khoñgunni najja thunđel milus. ²⁶ Galtes shetanni khorajji gyabgalla nolte pobudna khoe kazuggi wañsulini? Kho medkan chacessi tuspo lebste in. ²⁷ Na naj spezhig tañcug, suaj mi shedcanzhiggi khañpe najja zhugste khoe nor šku minyan namtshogpa khoe sñunla mi shedcanbo ldam mildam, tene khoe khañpe najja yodkanni norgun škunyanin."

²⁸ "De khyozhaa denba zerrad, migunni sdigpa cokañ tañ Konchogga dadlog zhukan tshañma shagspa salla dzadin, ²⁹ innaj dampe thugnyidla dadlog zhukangunla shagspa mane salla midzad; thameddi sdigpa cocessi noñscan kho innog." ³⁰ Khoñji khoñgunla tebo molla dzads ciazerna, khoñgunni "Yeshui najja rdud zhugste innog" zerradpin.

Yeshui najtshañs ñosmagun.

3:31 ne 35

³¹ Tene Tsoo Yeshui ama naj nogun yonš, naj philogga dugste mizhig khoñja boddala kals. ³² Yeshua skorte yodkanni mitshogssi zers, "Nyerañji ama naj nogun nyerañ tsalin philogga dug."

³³ Yeshui lansals, "Su innog ñe ama naj nogun?" ³⁴ Tene khoñji khoñja skorte yodkangunla zigste mols, "De ama naj nogun igun in. ³⁵ Namkhe najja zhugskan Konchoggi thuggoñs najzhin cokangun ñe ama naj miñšij gun in."

Zhiñbadpe saon tabkanni ruñs.

4:1 ne 20

4 ¹ Yañskyar Tsoo Yeshui Galillii tshoe thamaa labzha salces gozug dzads. Khoñ yodsa mitshogs mañstean mañpo dzompa khoñ tuziñji najja zhonte zhugs, naj mi tshañma tshoe thama dugs. ² Khoñji migunla ruñs gyudte labzha mañpo salla dzadte mols, ³ "Nyonszig, zhiñbadpazhig saon tabbala soñ. ⁴ Zhiñja saon tab zane khacig lammika bud, cipa yonšte tegun zos. ⁵ Khacig sa mañpo medse ðaggika bud, sa mañpo medcespoe saonbo gyogspa skyes. ⁶ Innaj nyime

tshaddi zhaste, zhiñ skyekanbo tshigs, yañ patag tiñcan med pasañ, tebo skamste shi. ⁷ Saon khacig tshermanñi ÷oa bud, yañ tshermanñ skyeste nanpa, zhiñbo ldan mathub, teboe zhaste ÷o masmins. ⁸ Zhan saongun sa gyalla yodse zhiññika budpa, tegun skyeste ldante stonhogs smin, kabo saon tabkan ni 30, 60, matshad 100 gyurrañ yodpin." ⁹ Tene khoññi mols, "Namchog yodkangunni ñe zerkanla nyonshig."

¹⁰ Stiñne Yeshu cigpo yod zane, khoñña skorte yodkanni khoññi lobtug rcugnyis tañ zhangunni khoññi shadda dzadkanni ruñssi tontagpo ÷is.

¹¹ Khoññi lansalla dzads, "Konchoggi gyałšiddi sañwagun hagogessi skabs khyozhagunla salla dzadte innog. Innañ Konchoggi gyałšiddi philogga yodkangunla ñe, citshañma ruñs gyudte shaddad. ¹² Dampe suñrabssi nañña Griiskanbo ÷añða ÷ubcesla ñe tebo coad. Tebo ni,

'Khoñgunni ñe cokangun thoññañ ña su inkanbo ñoshessa midug.

Khoñgunni ñe shadkangun tshornañ hagothubba midug,

Te mane khoñgunni sems ñe chogsla gyurte khoññi sdigpagunla shagspa thobte yoddo.' "

¹³ Tene Yeshui khoñgunla mols, "Galtes khyozhagunla i ruñspoe tontagpo hamagona, tene zhanyañ ruñs tshañme togtaggun kazuggi hagoiñ? ¹⁴ Zhiñbadpe saon tabcespo ni, Konchoggi ka shadcespo innog. ¹⁵ Lammika saon budkangun ni Konchoggi ka tshorkangun innog, innañ shetan yoñste khoñgunni snyiññi nañña tabkanbo kogste khyerranog. ¹⁶ ÷aggika saon budkanbo ni Konchoggi gyałšiddi ka tshorracig thadpo nyampo tatpa cokangun innog. ¹⁷ Innañ teboa patag tiñcan med pasañ tusyunriñ milus. Khoñgunni ke nañña tatpa cocespoe nags tañ bardo thoññacig tatpa phañin. ¹⁸ Tshermanñssi ÷oa saon budkanbo ni Konchoggi ka tshorkangun innog, ¹⁹ innañ mitshee tsherkha yañ nor tañ jigstenni zhan dodpa gunni nancespoe teboa ÷asbu sminna manog. ²⁰ Sa zañpoeka saon budkanbo ni Konchoggi ka nyante tatpa cokangun innog, khoñgunla ÷asbu, saon tabkanboe 30, 60, yañ 100 gyur sminnanog."

Oddi ruñs.

4:21 ne 25

²¹ Tene Tsoo Yeshui khoñgunla ÷ia dzads, "Ci khyozhe od tugste gormo ya maltse yogga borinna? Odpo odstagsika miborra? ²² Vaste borkan tshañma zhagshig

sjoncugga dzadin, yaŋ kabste borkan tshaŋma philogga phiŋŋa dzadin. ²³ Galtes namchog yodna ŋe zerkanla nyonshig."

²⁴ Khoŋŋi mols, "Khyozhe tshorkangunla naŋstag gyalla toŋshig. Khyozhe kolkanni tshadpo khyozhagunni phiaŋ kolla dzadin, yaŋ tesaj maŋŋa salin. ²⁵ De labzha nyankangunla maŋŋa hagocugga dzadin, innaŋ manyankangunni naŋne hagote yodkanboŋ khyerra dzadin."

Saon ldanin yodkanni ruŋs.

4:26 ne 29

²⁶ Tsoo Yeshui iboaŋ mols, "Konchoggi gyałsid ni, saon zhiŋŋa yogkanni zhiŋbadpazhig tsogs innog. ²⁷ Kho nyid taŋste ya laŋste yoddo, nyintshan medpa saonbo skyeste ldannanog, innaŋ tebo kazuggi ldannad, khoa caŋ gyus medkyag. ²⁸ Sa khoranŋi saon skyecugste zhiŋ ldante snyeme go biŋte đui gaŋcugganog. ²⁹ Do tshossacig, zhiŋbadpabo yoŋste zora nyampo tebo rŋanog ciazerna, rŋabsi tuspo lebste innog."

Nyuŋskarri saonni ruŋs.

4:30 ne 34

³⁰ Tsoo Yeshui mols, "Konchoggi gyałsidpo ŋe khyozhaa kazuggi hagocug? Tebo hagocugcessi phia ŋe karuŋspo kol? ³¹ Tebo ni, nyuŋskarri saon tshaŋmesaŋ chuŋun se naŋŋa tabkanbo tsogs innog. ³² Innaŋ, tabbacig ldante tshassi naŋŋa tshaŋmesaŋ chenmo lcaŋma gyurin, yaŋ yalgagun izam chenmo chen namkhe cagunni teboe silli naŋŋa tshaŋs coin."

³³ Yeshui tenna tsogssi ruŋs maŋpo kolte migunni hagocessi khyud tshagpa Konchoggi ka shadda madzads. ³⁴ Khoŋŋi ruŋs gyudte mastogs ci labzhazhiggaŋ salla medpin, innaŋ khoŋ khoŋraŋŋi lobtuggun nyampo cigpo yod zane, khoŋŋi ruŋs tshaŋme tonbo hagocugga dzaddadpin.

Yeshui luŋrag taŋ chulbag medkan dzads.

4:35 ne 41

³⁵ Phitog lebbacig, Tsoo Yeshui khoŋraŋŋi lobtuggunla mols, "Dadaŋ tshoe pharka chen." ³⁶ Mitshogspo borte khoŋgun Yeshu nyampo tuziŋŋi naŋŋa zhonte soŋ. Zhan tuziŋgunnaŋ khoŋŋi gyabne yoŋs. ³⁷ Hunmedla namtshubste luŋrag tagpo yoŋs, yaŋ chulbag tuziŋŋi naŋŋa lebste tebo nubces soŋ.

³⁸ Yeshu ʔuziŋŋi jukka nyassika u borte nalzimste yodpin. Lobʔuggunni khorŋa nyidshadda dzadte zers, "Lobponle, ʔazhaa chui naŋa nubces dug, skyobba dzadda medda?"

³⁹ Yeshu zhanste luŋspoa khaskyeste chulbaggunla mols, "Cubcod, kuco mataŋ." Tene luŋrag medkan soŋte tshoe naŋa pad zhide cuŋ. ⁴⁰ Khorŋi khorŋunla ʔia dzads, "Cia jigssad? Khyozhagunla ʔeka taruŋaŋ tatpa medpa inna?"

⁴¹ Lobʔuggun ʂante jigste cig taŋ cigga ʔis, "Khorŋ su innog? Luŋspo taŋ chulbagguniaŋ khorŋi khaa nyandug." Kan

Yeshui rdud zhugskanni mizhig phancugga dzads.

5:1 ne 20

5 ¹ Khorŋun tshoe pharka, Gerasenni yuljoŋsla skyods. ² Tsoo Yeshu ʔuziŋne biŋa dzaddacig, rdud zhugskan zhig khorŋ jallala Romkhaŋŋi nassane biŋste yoŋs. ³ Kho Romkhaŋgunni naŋa duggadpin, suzhiggiaŋ kho ldamste bor manyanna inpin, lcagthag nyampoan. ⁴ Lan maŋpozhiŋ khoe kaŋlaggun lcagthag nyampo tagste bornaŋ khoe lcagthagpo cadte phaŋs, suzhiggaŋ kho ldamste borcessi shed medpin. ⁵ Nyintshan medpa kho ri taŋ Romkhaŋgunni ʔoa khorin, kuco taŋin, rdoa nonpo nyampo raŋŋi zugspe shagun caddadpin.

⁶ Khoe thagriŋne Yeshu jallacig, baŋtaŋste khorŋi dunla khoranŋi pigmoeka gyel. ⁷ Khoe naŋa zhugskanni goŋpoe kuco shedcan taŋste, "Yeshu Konchog kunwaŋŋi ʂas nyeraŋ ʔe lassi naŋa cia ʔessad? ʔa nags mistancesla, Konchoggi tshanni naŋa naa khurra dzad." ⁸ Ciazerna Yeshui khoa mols, "Rdud, khyoraŋ i miboe naŋne biŋte yoŋ"

⁹ Tene Yeshui khoa ʔia dzads, "Khyoraŋŋi miŋa ci in?"

Khoe lantaŋste, "ʔazhe miŋa rdudtshogs in, ciazerna ʔazhaa maŋpozhiŋ i miboe naŋa naste yod." ¹⁰ Tene khoe Yeshua khorŋun i gyalkhagne thagriŋa miphiŋcesla juju zhuin yaŋe yaŋ zhuwa phuls.

¹¹ Nyemo yodkanni rika phaggi khyu chenmozhiŋ stsa zen yodpin. ¹² Rdudgunni Yeshua juju zhuin zers, "ʔazhaa a phaggunni naŋa kalla dzad, ʔazhaa tegunni naŋa chacugga dzad.

¹³ Yeshui goŋspa salla dzadpa, rdudgun biŋte phaggunni naŋa zhugs. Te phaggi khyu halam 2,000 zhig, rine thurla baŋtaŋste tshoe naŋa bud yaŋ chui naŋa nubte shi.

¹⁴ Phagtshokan banjanste donkhyer tan nyekhorri nassagunla son yan cunkan tshanma shads, yan migun te cunkangun stala son. ¹⁵ Khoḅgun Yeshu yodsa lebbacig, khoḅgunla rdud tshogs zhugskanni mibo, koslag gonte snyo masnyoa teka dugste thonpa khoḅgun jigs. ¹⁶ Te tshanma thonkangunni rdudgun zhugskanni mi tan phaggunla cunkanni skorbo migunla shads. ¹⁷ Tene migunni, Yeshua juju khoḅgunni yulne binde skyod zerces gozug.

¹⁸ Yeshu tuzinji nanja skyoddacig sjunla rdudgun zhugste yodkanni miboe Yeshua juju, kho khoḅ nyampo yon cugga dzadcesla zhuwa phuls. ¹⁹ Innaj Yeshui kho yon macugs yan mols, "Khanpa khyoranji nanmigun yodsa sonde, Tsooe khyoranji phia dzadkan tshanma yan khyoranjika khoḅni tsamshiggi snyinrje stanna dzadkanbo shod. ²⁰ Tene kho tekane sonde gyalsa rcu yodkanni gyalkhaggi nanja Yeshui khoa dzadkan tshanma shads. Yan khoe shadkangun tshorte migun halas.

Bumo chuḅun shikan tan zumo yonkanni nachuḅzhig.

5:21 ne 43

²¹ Yeshu yan skyar tuzinji nanja tshoe aḅo chogssi pharka lebbacig, tshoe thama khoḅ yod zane mitshogs chenmozhiḅ dzomste khoḅna khorte dugs. ²² Tene Yeras zerkanni Yahudape dukhanji uskyonzhig teru yons. Yeshu jallacig, kho khoḅni zhabssi dunla gyelte ²³ snyinje juju zhuin zers, "De bumo chuḅunbo shikyis dug. Juju skyodte nyeranji chag khoeka borra dzadna kho phante sonin."

²⁴ Yeshu kho nyampo skyodda dzads. Mitshogs chenmo, khoḅni stinranje yonde khoḅna nante khyons. ²⁵ Budkanni lo rcugnyisne pharla tusgyun zugspo zhigcessi zumo yonskanni bumozhiḅ mitshogssi toa yodpin. ²⁶ Amchigunni stastogssi nanja nags manpo thonde khoranji pene tshanma skyagstean, kho gyalla chacessi san manja thua sonde yodpin.

²⁷ Te bumoboa Yeshui skorla tshorpa, mitshogssi nanja khoḅni gyabne yonde khoḅni namzaa lagpa tugs. ²⁸ Ciazerna khoe khoranji semssi nanja sam, "Galtes khoḅni namzaa lagpa thugna je zumo gyallanog" ²⁹ Tennamalla thagpo chadde stsogpo zumone phankanbo khoa gyusson.

³⁰ Tenna tusla Yeshua, khoḅranji nanje phancugkanni stobs binde chakanbo khyen. Khoḅni ino aḅo gyurin mitshogsla zigste tis, "Sui je koslagga lagpa tugs?"

³¹ Khoŋŋi lobtuggunni khoŋŋa zers, "Mitshogssi nyeraŋŋa nanin phulin khyoŋcespo zigssa midugga, tene nyeraŋŋi sui ŋaa lagpa tugs molte cia ŋia dzaddad?"

³² Innaŋ tezug cokanboa zigshesla khoŋŋi iŋo aŋoa zigsin zhugs. ³³ Tene bumoboe khoranŋa cuŋkangun gyusyodpa, jigsin tarin Yeshui dunla yoŋste khoŋŋi zhabssika gyels yaŋ khoŋŋa citshaŋma đanpo shads. ³⁴ Yeshui khoa mols, "Bumo khyoranŋi dadpe khyoraŋ phancugste in. Zhidee nyampo soŋ, khyoranŋi sdugsŋalbo medkan soŋte innog."

³⁵ Khoŋŋi zhalta salin yod zane, dukhanŋi uskyoŋ Yerassi khaŋpane mi khacig yoŋste khoa zers, "Nyeraŋŋi bumobo shi, ta lobponlea obgyal stanna madzad."

³⁶ Innaŋ Yeshui khoŋgunni zerkanboa snaŋŋa masalla Yerasla mols, "Jigs majigs. Tatpa yodkanbo phaŋ maphaŋ."

³⁷ Tene Yeshui Pitar, Yakob taŋ, khoe no Yohanan mastogs zhansuzhiggaŋ khoŋ nyampo yoŋ cugga madzads. ³⁸ Khoŋgun dukhanŋi uskyoŋŋi khaŋpa lebbacig, Yeshui, kuco taŋin, ŋuin mi maŋpozhiŋgi hiliŋs taŋŋa zigs. ³⁹ Khoŋ naŋkugga skyodte, "Ciphia ŋuin hiliŋs taŋŋanog? Tugubo mashia nyidlogste in" molpa ⁴⁰ khoŋgunni thelgod taŋs.

Yeshui khoŋ tshaŋma khaŋpane philogga biŋste bumoe phama taŋ, khoŋraŋŋi lobtug sumko thidte bumoe yodse naŋŋa skyodte ⁴¹ bumoe lagpa thamssa dzadte khoa mols, "Talithaa koam" kaboe tontagpo "Bumo chuŋun loŋs" zerranog.

⁴² Tennamalla lo rcugnyis chakanni bumobo koag laŋste đuls. Ibo thoŋte khoŋgun maŋaŋte halas. ⁴³ Yeshui khoŋgunla cuŋkanbo suaŋ mishadcesla ka sals, yaŋ khoŋgunla bumoboa citoŋshig zaa taŋcesla mols.

Natsaredpagunni Yeshua stsiwa macos.

6:1 ne 6a

6 ¹ Tsoo Yesu tekane lobtuggun nyampo khoŋraŋŋi đoŋkhyer Natsaredla skyods. ² Shabbad ŋaltshoe zhagpo lebbacig, khoŋŋi dukhanŋi naŋŋa labzha salces gozug, yaŋ khoŋŋa tshorkan maŋpo halaste ŋis, "I miboa shesrabs taŋ halasshessi dzadpagun dzadcessi khyud kane thobkyag? ³ Kho shiŋkanbo manogga? Kho Miryammi butsha yaŋ Yakob, Yoseb, Yuda taŋ, Shimon gunni aco manogga? Yaŋ khoe ŋiŋmogun ika ŋadaŋgun nyampo medda?" Khoŋgunni snyiŋgun skyoŋpo coste khoŋŋika tatpa macoa khoŋŋa gyabgal cos.

⁴Tene Yeshui khoᅅgunla, "Luᅅstonpazhigga raᅅᅅi ᅅoᅅkhyer, nyenduᅅ taᅅ raᅅᅅi naᅅtshaᅅssi naᅅᅅa mane, zhan karuᅅsa stsiwa corug. ⁵Khoᅅgunni tatpa micocespoe zhaste, khoᅅᅅi khoᅅgunni ᅅoa zumo yoᅅkan khaciggika khoᅅraᅅᅅi chag borte phancugga dzadces mastogs, zhanyaᅅ caᅅ halassi dzadpazhig stanna madzads. ⁶^{6a} Yaᅅ khoᅅgunni tatpa medcespoa zigste khoᅅ halas.

Yeshui skutshabs rcugnyispo lamcugga dzads.

6:6b ne 13

^{6b} tene Yeshu labzha sallala gamyul cigne cigga skyods. ⁷ Khoᅅᅅi skutshabs rcugnyispoa bodda dzads, yaᅅ nyisnyis coste rdud zhugskangunni naᅅne rdud phiᅅcessi waᅅcha salla dzadte khoᅅgun tekane lamcugga dzads. ⁸ Khoᅅᅅi khoᅅgunla labzhaa salte mols, "Khyoraᅅgunni bessi phia ᅅulcessi berga mastogs, kharji, jola taᅅ skegui naᅅᅅa pene makhur. ⁹ Pabu gon innaᅅ koslag spoces makhur".

¹⁰ Khoᅅᅅi mols, "Khyozhaa dugsa taᅅkanni khaᅅpe naᅅᅅa dug nam tshogpa te ᅅoᅅkhyerne biᅅte chaa michaa ¹¹ innaᅅ ᅅoᅅkhyerzhiggi naᅅᅅa suzhiggiaᅅ khyozhaa gasus macona, ya khyozhe zerkanboa manyanna, tene biᅅte cha zane, raᅅᅅi kaᅅpe thalba ᅅugste khoᅅgun Konchoggi chadpe phia borte inkanbo ston."

¹² Skutshabsgunni migunla sdigpe kane gyodpa skyeste Konchoggi chogsla sems gyurcesla chosshadin skyod. ¹³ Yaᅅ khoᅅgunni rdud maᅅpozhigh phiᅅste zumo yoᅅkan maᅅpozhighga oliwwi mar skuste phancugga dzads.

Thussalkan Yohanan ᅅoᅅs.

6:14 ne 29

¹⁴ Tsoo Yeshui tshan miᅅcan gyurcespoe gyalpo Herodadi khoᅅᅅi skorla tshor. Khaciggi zerradpin, "Thussalkan Yohanan shikangunni ᅅone sontea laᅅᅅa dzadcespoe, khoa i dzadpagun stannyante innog." ¹⁵ Zhangunni zers, "Khoᅅ ni luᅅstonpa Eliya innog." Yaᅅ zhangunni, "Sᅅunme luᅅstonpa tsogsla khoᅅᅅaᅅ luᅅstonpazhig innog."

¹⁶ Tegun tshorracig, Herodadi zers, "ᅅe go cadcugkanni Yohanan, shikangunni ᅅone sontea laᅅcugga dzadte innog."

¹⁷⁻¹⁸ Herodadi Herodassi zhaste Yohanan zums cugste tsonkhaᅅᅅa kagesla ka taᅅste inpin, ciazerna Yohananni Herodala molladpin, "Khyoraᅅᅅi aco Philipbi nama Herodas nyampo nama cocespo Konchoggi thimssi gyabgal innog." ¹⁹ Tene

Herodassi Yohananla naphrad coste khoṅ sadcessi dodpa cos, innaṅ khoa caṅ co manyan, ²⁰ ciazerna Herodadi Yohanan mi zaṅpo taṅ dampazhig inkanbo shespa, stsiwa taṅ jigssi naṅṅa khoṅ skyobste bors. Yohananni molkgun nyan zane, gyalpo Herodala semssi naṅṅa mideces yoṅṅaṅ kho Yohananni molkgun nyancesla thaddadpin.

²¹ Innaṅ gyalpo Herodadi skyezhaggi zhagga Herodasla skabs thob. Te zhagga Herodadi khoranṅi lasmi uskyoṅ, magmi sponbogun taṅ, Galillii sponbogun ḍonla bodte yodpin. ²² Herodassi bumo yoṅste stses ma ldemo taṅspa, Heroda taṅ khoṅṅi ḍonpogun ṣante thad. Gyalpoe bumoboa zers, "Khyoranṅa dodpa yodkanbo ṅaa shod, yaṅ ṅe tebo khyoranṅa taṅin." ²³ Khoe naa khurte zers, "Khyoranṅi cizhig toṅ zernaṅ, ṅe taṅin, ṅe gyalṣiddi phedpoaṅ."

²⁴ Kho philogga soṅte khoranṅi ama ṭis, "Ḍe ci toṅ zer." Ame khoa zers, "Thussalkan Yohananni gobo toṅ zer." ²⁵ Tennamalla bumo gyalpo yodsa gyogspa soṅte zers, "Dagsaraṅ ṅaa thussalkan Yohananni go thallizhiggika gossad."

²⁶ Gyalpo maṣante tsher innaṅ ḍonpogunni dunla naa khurkanboe zhaste, khoe bumoa man zer manyan. ²⁷ Tene khoe tennamalla mi sadcessi las cokanni mibo tsonkhanṅa Yohananni go khyoṅcesla lamcugs. Kho tsonkhanṅi naṅṅa soṅte Yohananni go cads. ²⁸ Khoe khoṅṅi gobo thallika khyoṅste, bumoboa taṅspa, khoe khoranṅi ama taṅs. ²⁹ Tebo tshorracig, Yohananni lobṭuggun yoṅste khoṅṅi spurbo khyerte spurkhanṅi naṅṅa bors.

Yeshui mi stoṅṅa zaces salla dzads.

6:30 ne 44

³⁰ Skutshabsgun Yeshu yodsa logste yoṅs, yaṅ khoṅgunni coskan taṅ labkan tshaṅme skorla shads. ³¹ Mi maṅpo Yeshu yodsa chayoṅ taṅspa Yeshu taṅ khoṅṅi skutshabsgunla ṅaltshoste dontaṅ doncessi tus mathob. Teboephia Yeshui mols, "Yoṅshig ṅadaṅraṅ suaṅ medse nassazhigga soṅte ṅaltsho in."

³² Tene khoṅgun ṭuziṅzhiggi naṅṅa zhonte suaṅ medse nassazhigga skyods. ³³ Innaṅ mi maṅpozhiṅgi khoṅgun tekane skyoddala thoṅ yaṅ ṅoshes. Gyatshoe thama yodkanni ḍoṅkhyer tshaṅme migun baṅtaṅin soṅte khoṅgunni saṅ sṅunla te nasseka leb. ³⁴ Yeshu ṭuziṅne babste skyods yaṅ mitshogs chenmo zigssacig, khoṅgunnika snyiṅrje skyea dzads ciazerna khoṅgun lugsdzi medkanni lug tsogs yodpin. Yaṅ khoṅṅi khoṅgunla labzha rigs maṅpo salces gozug dzads.

^{35–36} Nyima gorgorla Yeshui lobtuggun khoŋ yodsa yoŋste zers, "Nyekhorri nassa taŋ gamyulgunla soŋte khoranŋunni phia zan nyocesla mitshogspo lamcugga dzaddaŋ ciazerna ŋadaŋgun caŋ medse ristoŋŋi naŋŋa innog yaŋ muncuaŋ rubkyis dug.

³⁷ Innaŋ Yeshui mols, "Khyozhe khoŋgunla zaces toŋ."

Khoŋgunni lantaŋs, "I mitshaŋma kharji taŋcessi phia lzawa 8 di lacha daŋde pene gossog. Dazhaa soŋte tezamshiggi pene skyagste khoŋgunla kharji zaces nyoa?"

³⁸ Khoŋŋi ŋia dzads, "Khyozhe lagga tagi tsam yod. Soŋte stos?"

Khoŋgun soŋte stas yaŋ zers, "Tagi ŋŋa taŋ nya nyis dugle."

³⁹ Tene Yeshui lobtuggunla migun sdesde coste stsa ŋŋonpoeka dugcugcessi phia mols. ⁴⁰ Migun 50 ya 100 sde coste seka dugs.

⁴¹ Yeshui tagi ŋŋa taŋ nya nyispo chagga namste, namkhaa zigste Konchogga thugrjeche zhus, yaŋ tagi cagste mitshogsla gocessi phia lobtuggunla salla dzads. Tenna tsogsla khoŋŋi nyaboan goste khoŋ tshaŋmala salla dzads. ⁴² Khoŋ tshaŋma daŋdaŋ zos ⁴³ yaŋ lobtuggunni tagi taŋ nye laglusgun lduspa pagtse rcugnyis gaŋ.

⁴⁴ Tagi taŋ nya zakan migunni toa ldankanni butshaa stoŋŋŋa yodpin.

Yeshui chui khethogga zhabdul dzads.

6:45 ne 56

⁴⁵ Kharji zotsharracig Yeshui mitshogsgun logste lamcugga dzadin yod zane, khoŋŋi khoŋraŋŋi lobtuggunla ŋuziŋŋi naŋŋa logste tshoe pharka bedsede doŋkhyerla soŋ molte lamcugga dzads. ⁴⁶ Mitshogs soŋtsharte stiŋne khoŋ rika moslam zhua skyods.

⁴⁷ Muncurubbacig lobtuggun ŋuziŋŋi naŋŋa tshoe skyilla, yaŋ Yesu rika cigpo yodpin. ⁴⁸ Luŋspe gyabgalla nolin tegunla ŋuziŋ ŋulcesla nags maŋpo thoŋin yodkanbo Yeshui zigs. Halam ŋatog chutshod sumpazhiggika Yesu tshoe kane zhabdulla khoŋgunni chogsla skyods, yaŋ khoŋgunni ldone skyodces yodpin.

⁴⁹ Innaŋ tegunni khoŋ chui kane zhabdulla skyodin thoŋŋacig, khoŋ shiŋde innog samste kuco taŋs. ⁵⁰ Yesu thoŋŋacig, khoŋ tshaŋma ŋante jigs. Yeshui tennamalla khoŋgunla zhalta salte, "Jigs majigsshig. Na in, semstobs len" mols. ⁵¹ Tene Yesu ŋuziŋŋi naŋŋa zhonna dzads, yaŋ luŋspo medkan soŋ. Khoŋ tshaŋma ma halas.

⁵² Khoŋgunla tagi nyampo Yeshui halasshessi dzadpa coa dzadkanbo thoŋtean

Yeshu stobscan zhugste yodkanbo taruŋŋaŋ hamagoa yodpin. Khoŋŋi snyiŋgun ma skyoŋpo yodpin.

⁵³ Tshoe aŋo chogsla skyodte Genesareddi doŋkhyerla lebste tuziŋbo chui thama ldams. ⁵⁴ Yaŋ tuziŋne philogga biŋŋacig, migunni Yeshu inkanbo ŋoshes. ⁵⁵ Khoŋgun baŋtaŋin soŋte yul gaŋpoe naŋŋa tebo shads, yaŋ mitshaŋme nadpagun maltseka khurte Yeshu zhugste dug zersse nasseka khyoŋs. ⁵⁶ Khoŋ gamyul, doŋkhyer ya doŋseb karu skyodnaŋ migunni zumo yoŋkangun, thomssi naŋŋa philogga phiŋste khyoŋs. Khoŋgunni nadpagunla Yeshui namze tuzhigga lagpa stse cugga dzadcesla juju zerin zhuwa phuls, yaŋ khoŋŋi namzaa lagpa stsekan tshaŋma phan.

Stsaŋma taŋ tshitu.

7:1 ne 23

7¹ Zhagshig Yerushalemmi gyalsane yoŋskanni pharushipa taŋ chosthimsla khaspa khacig Tsoo Yeshu yodsa dzoms. ² Khoŋgunni Yeshui lobtuŋ khaciggi kharji ze saŋ sŋunla Yahudape lugsol naŋzhinla lagpa mathukanbo thoŋ.

³ (Yahudapa, migsalli pharushipagunni, khoranŋgunni phamespoe lugsol naŋzhin lagpa thuste mane zan zamedpin. ⁴ Khoŋgun thomsne yoŋste, khoranŋgunni lugsol naŋzhin lagpa thuste mane, zan zamedpin. Khoŋgunni yaŋ lugsol maŋpozhiŋ ŋuŋŋadpin sperna, kore, chunod taŋ thagu thucesgun).

⁵ Pharushipa taŋ chosthimsla khaspa gunni Yeshua ŋis, "Nyeranŋi lobtuggunni lagpa tshitu nyampo zan zoste cia ŋadaŋŋi phamespoe lam lugsollika ðulla manog?"

⁶ Yeshui lansalla dzads, "Khachospa khyozhe skorla Konchoggi Yeshya gyudte maŋ luŋstan salkanbo denba innog, kaboe naŋŋa,

'I migunni kane ŋaa stsiwa conaŋ

Khoŋgunni snyiŋgun ŋane thagriŋ dug.

⁷ Khoŋgunni ŋaa colcespo phanmithogs innog,

Ciazerna khoŋgunni Konchoggi ke tshabsla

Khoŋranŋgunni cokanni thimsgun labdug.^d

⁸ Khyozhagunni, Konchoggi kagyagunla snaŋmed coste teboe tshabsla khyozharaŋŋi lugsolgun ŋuŋdug."

^d7:7 ibo luŋstonpa yeshaye speche 29:13 naŋŋa yodte innog.

⁹ Tene Yeshui mols, "Khyozhe, khyozharañji lam lugşol şuñcesla thabs khaspa nyampo Konchoggi kathimsgun zurla thente bordug. ¹⁰ Sperna Mozessi zers, rañji aba tañ amaa stsiwa cos, yañ rañji aba ya amaa ñan tabkangun sadgos. ¹¹ Innan khyozhe migunla rañji phamaa, 'De nyezhaa gossdomgunni nañña rogs cocespo korban tañste in' (Yañna Konchogga phulin zerte zhalchad coste in) zerces labdug. ¹² Tezug cocesne khyozhagunni khoñgunla rañji aba ya amaa rogs co macugga innog, ¹³ tennaboephia khyozharañji lam lugşolbo şuñcessi nañña khyozhe Konchoggi ka cagces matshad tetsogssi las zhan mañpo coanog."

¹⁴ Tene Yeshui mitshogsla bodda dzadte mols, "Khyozhaa tshañme, ñe zerkanbo nyante hagocessi stsonđus cos. ¹⁵ Philogne zugspoe nañña chakangunni, khyozhaa tshitu gyurcugga manog, innan khyozhagunni semsne biñkanboe, khyozhagun tshitu gyurcugga nog." ^{16 e}

¹⁷ Tene Yeshu mitshogsne bete khañpazhiggi nañña skyods. Khoñji lobtuggunni, khoñji te spe salkanbo hagocugcesla zers. ¹⁸ "Khyozhaa hamagoa?" Khoñji ñia dzads, "Thoñña midugga, khyozhe zakanni kharjiboe khyozhagun tshitu gyurcugga manog, ¹⁹ ciazerna kharji khyozhe snyiñji nañña machaa đodpe nañña lebte zugspone philogga biñjanog." (Tezug molcespoe Yeshui zacesi rigs tshañma stsañma inkanbo, hagocugga dzads).

²⁰ Khoñji mols, "Khyozhe nañne spera biñkanboe khyozhagun tshitu gyur cugganog. ²¹ Ciazerna mizhiggi semsne, samba ñanpa, lusđel ñanpa, şkuces, mi sadces, ²² rañji zhidmad manpa zhanma nyampo lusđel, nabs, ñansems, gobskorces, tusgyun lusđel ñanpe dodpa, tshigces, zhanme codpe skorla ñanpa zerces, phoso tañ samba medkan gun biñjanog. ²³ Te tshañma nañkugne biñste khyozhagun tshitu gyur cugganog."

Yahudapa mankanni bumozhiggi tatpa.

7:24 ne 30

²⁴ Tekane biñte Tsoo Yeshu Thayir gyalse chogsla skyods. Khoñ zhugste yodse khañpabo suzhiggañ gyus chacugnyin medpin, innan tebo sañwe nañña bor manyan. ²⁵ Bumo chuñun gañpo zhugste yodkanni amaboa, Yeshu skyodte dug zerte tshorracig, kho yoñste khoñji zhabssi dunla gyelte ²⁶ khoe tugi nañne rdudpo phiñña dzadcesla juju zhuin khoñña zhuwa phuls.

^{e7:16} şunme Griissi skaddi specha Markussi đikanboe nañña kañpa 16 medpa innog, kaboe nañña "Namchog yodkangunni ñe zerkanla gyalla coste nyonshig" zerdug.

Te bumobo siriye yulkhaggi phonishie gyalse nan̄a skyeste Yahudapa man pasañ, ²⁷ Yeshui khoa mols, "Goma ñe Konchoggi t̄ugu, Israelpagunla ðañðañs zacug gos. T̄ugui tagibo lente khyia phaṅna maḍigga innog."

²⁸ Khoe lantaṅs, "Denba innog Tsoole, innaṅ t̄ugugunni kharji budkangun cogtse yogga yodkanni khyi chuṅgunniaṅ zadug."

²⁹ Khoṅṅi mols, "Ta khaṅpa soṅ, khyoraṅṅi lan gyalla taṅcespoe zhaste, rdud khyoraṅṅi bumobo phaṅste soṅte med." ³⁰ Yaṅ kho khaṅpa lebbacig, khoe bumo chuṅunbo maltseka nyalte rdud biṅste medkanbo thoṅ.

Yeshui, rgudshig phancugga dzads.

7:31 ne 37

³¹ Yeshu Thayirne biṅste Sidon yul gyudte Galillii tsho taṅ gyalsa cui yuljoṅsla skyods. ³² Mi khaciggi mi matshorkanzhig, kaboa kagspo nyampo mane sperañ taṅ nyanna medpin, khoṅ yodsa thidte khyoṅs. Yaṅ te mibo phancessi phia khoe t̄opagunni Yeshua juju zhuin khoṅṅi chagpo khoeka borra dzadcesla zhuwa phuls.

³³ Yeshui kho mitshogsne azamma khyerra dzadte khoṅraṅṅi dzigubo te miboe namchoggunni nan̄a cugs, testiṅne khoṅraṅṅi dzigugunnika thugyabste khoe lceboa thug cugga dzads. ³⁴ Khoṅṅi kyenla namkhaa zigste snyiṅshugs nyampo mols, "Ephathaa" kaboe tontagpo "Beshig." ³⁵ Tennamalla miboa gyalla coste tshor yaṅ khoe lcebo tolte khoa bardo medpa spera taṅnyan.

³⁶ Yeshui mitshogsla suzhiggaṅ mishadcesla molla dzads. Innaṅ khoṅṅi tsamshig maṅpo mishadcesla molnaṅ tegunni maṅṅa maṅpo nastshulbo phelcugs. ³⁷ Migun maṣaṅte halaste, "Khoṅṅi ci dzadnaṅ halasshes yoṅdug. Khoṅṅi, rgudla tshorcugces taṅ, spera taṅ manyankanla spera taṅ cugga dzaddug" zers.

Yeshui mi ston̄zhia kharji salla dzads.

8:1 ne 10

8 ¹ Halam tennadusshigga zhanyaṅ mitshogs chenmozshig dzoms, migunla zagyu medpa, Tsoo Yeshui lobt̄uggun bodda dzadte mols, ² "I migun ṅa nyampo dugste zhagma sum soṅ yaṅ zacesla caṅ med pasañ, ṅa snyiṅrjea skyearag. ³ Galtes ñe khoṅgun khaṅpa stogria lamcugna, khoṅgun lambarla goyoṅ khorthe gyelin, ciazerna khoṅgunni t̄oa ma thagriṅne yoṅskan khaciggaṅ yodte innog."

⁴ Khoṅṅi lobt̄uggunni lantaṅs, "Ḍadaṅṅa i migun ðañshessi tagi i ristoṅṅi nan̄a kane thobin?"

⁵ Yeshui khoᅅgunla ʒia dzads, "Ɗadaᅅᅅi lagga tagi tsamshig yod." Khoᅅgunni lantaᅅ, "Tagi rdun yodle."

⁶ Tene Yeshui mitshogspoa seka dugcesla mols. Khoᅅᅅi tagi rdunbo namssa dzadte Konchogga thugrjeche zhus, yaᅅ tegun cagste lobᅅuggunla sals, yaᅅ khoᅅgunni mitshogsla goste taᅅs. ⁷ Khoᅅgunni lagga nya chuᅅun khaciggaᅅ yodpin, Yeshui tegunni phiaᅅ thugrjeche zhuste khoᅅraᅅᅅi lobᅅuggunla goste taᅅcessi phia molla dzads.

⁸ Khoᅅgunni tshimstshims zos. Stiᅅne lobᅅuggunni tagi lagmagun dumspa pagtse chenmo rdun gaᅅ. ⁹ Te mitshogssi naᅅᅅa butsha 4,000 zamshig yodpin. Khoᅅgun khaᅅpa logste lamcugga dzadte ¹⁰ khoᅅ lobᅅuggun nyampo ʒuziᅅᅅi naᅅᅅa zhonte Dalmanutha yuljoᅅsla skyods.

Pharushipagunni halassi stas stancesla zhus.

8:11 ne 13

¹¹ Pharushipagun Yeshu tshodltacesla yoᅅste khoᅅᅅa ʒiwa ʒices gozugs, khoᅅᅅa Konchoggi waᅅcha salkanbo tantan cocesla namkhe stagsshig ston zers.

¹² Tebo sannacig khoᅅᅅi snyiᅅshugs taᅅste mols, "Ciphia i Mirabspoe halassi stags ston zerranog? Ɗe khyozhaa denba zerrad, ᅅe i Mirabspoa tetsogs stagsshig mane mistan." ¹³ Tene khoᅅgun borte khoᅅ tshoe aᅅo chogsla ʒuziᅅᅅi naᅅᅅa zhonte skyodda dzads.

Pharushipagun taᅅ Herodadi gyabgalla shaᅅ skulla dzads.

8:14 ne 21

¹⁴ Lobᅅuggunla tagi khurrala rjed, ʒuziᅅᅅi naᅅᅅa khoᅅgunni lagga tagi cig mane medpin. ¹⁵ Yeshui khoᅅgunla spaᅅpudda dzadte mols, "Pharushipagun taᅅ Herodadi skyurne shaᅅ cos."

¹⁶ Khoᅅgunni cig taᅅ cigga zers, "Ɗadaᅅᅅi tagi khurte medpa, khoᅅᅅi tebo molte innogga?" ¹⁷ Khoᅅgunni zerkanbo Yeshui khyente ʒia dzads, "Tagi medkanni skorla khyozhagunni cia spera taᅅᅅad? Taruᅅᅅaᅅ, khyozhagunla thoᅅᅅa ya hamagoa? Khyozhagunni snyiᅅ tetsam skyoᅅpo inna? ¹⁸ "Khyozhagunla mig yodteaᅅ thoᅅthubba meragga?, namchog yodteaᅅ, tshorthubba meragga? Ci khyozhagunla caᅅ idtu meragga? ¹⁹ Ɗe tagi ᅅᅅane mi stoᅅᅅᅅa ᅅaᅅscugste khyozhe luskanni tagi lduspa pagtse tsam gaᅅ?"

Khoᅅgunni zers, "Rcugnyisle."

²⁰ "Yaŋ tagi dunne mi stoŋzhi ɔaŋscugste khyozhe luskanni tagi lduspa pagtse tsam gaŋ?"

Khoŋgunni zers, "Rdunle."

²¹ Khoŋŋi khoŋgunla ɕia dzads, "Tarunŋaŋ khyozhagunla hagoa meragga?"

Zharazhig phancugga dzads.

8:22 ne 26

²² Khoŋgun Bedseda ɔoŋkhyerla lebbacig, mi khaciggi zharazhig Yesu yodsa khyoŋs, yaŋ khoa chag steste phancugga dzadcesla juju zhuin, zhuwa phuls.

²³ Yesui zharaboa lagpa thama dzadte ɔoŋkhyerne philogga khyerra dzads. Khowe miggika thugyabste khoŋraŋŋi chagpo khoweka borte ɕia dzads, "Khyoraŋŋa citoŋshig thoŋdugga?"

²⁴ Khowe aŋo iŋoa stas yaŋ zers, "Ŋaa migun thoŋdugle, innaŋ salpo manpa, lcaŋma ɔulkan tsogsrig thoŋdugle."

²⁵ Yesui yaŋskyar khoŋraŋŋi chaggun khowe miggunnika borra dzads. Tene khowe miggun bete khoa thoŋcessi khyudpo logste thob, yaŋ khoa citshaŋma salpo coste thoŋ. ²⁶ Yesui, "Khyoraŋ khaŋpa logste cha zane, ɔoŋkhyer naŋŋa macha" molin kho lamcugga dzads.

Pitarri Yesu su inkanbo shads.

8:27 ne 30

²⁷ Tsoo Yesu taŋ khoŋŋi lobɕuggun Galilline Kesarria Philipi nyekhorri ɔoŋsebgunla skyods. Khoŋgun skyod zane lamma khoŋŋi lobɕuggunla ɕia dzads, "Migunni ŋa su innog zerdug?"

²⁸ Khoŋgunni lantaŋs, "Khaciggi ɕhussalkan Yohanan, khaciggi luŋstonpa Eliya, yaŋ zhanmagunni luŋstonpagunni ɕone cigcig zhugste innog zerdug."

²⁹ Tene khoŋŋi tegunla ɕia dzads, "Innaŋ khyozhagunni ŋa su innog zerrad?" Pitarri lantaŋs, "Nyeran Konchoggi ldamma dzadkanni Mashika zhugste innog."

³⁰ Innaŋ Yesui khoŋgunla khoŋŋi skorla suaŋ mashad molte ka sals.

Yesui khoŋraŋ ɔoŋshessi skorla luŋstan dzads.

8:31 ne 9:1

³¹ Tene Yesui khoŋgunla, uskyoŋgun, lama uskyoŋgun taŋ chosthimsla khaspagunni kane mirigssibua sdugsŋal maŋpo nyoŋste sadgoshes yaŋ zhag summi

stiņne shikangunni ʈone sonte laņsshessi skorgun labces gozug dzads. ³² Teboe skorla khoņņi salpo coste shadda dzadpa, Pitarri khoņ sosa khyerte khaskyes.

³³ Innaņ Yesu gyurra dzadte lobʈuggunla zigsin Pitarla khaskyea dzadin mols, "Shetan, ęane thagriņņa soņ. Khyoraņņi samtshul Konchoggi chogsne manpa, mii chogsne innog."

³⁴ Tene mitshogs taņ lobʈuggunla khoņ yodsa dzomcesla bodda dzads yaņ mols, "De stiņraņne yoņņa thadkangun, raņdod phaņste raņņi sdugsņalli ʈkyaņshiņ khurte ęaa ʈaņsgos. ³⁵ Raņsog skyobnyin yodkangunni denbe mitshe skyalin, innaņ ęa taņ gamoe nastshulli tonla khoraņņi ʈog skyalkangunni denbe mitshebo skyobin.

³⁶ Mizhigga jigsten gaņpo thobteaņ raņņi thamedpe mitshe skyalna ci phanthogs?

³⁷ Ya mizhiggi teboe tshabsla ci taņnyanin? ³⁸ Konchogga idshes medkan taņ sdigcan i Mirabspoe naņņa galtes suzhiggi ęa taņ ęe labzhagunla ʈelba tshorna, ęa mirigssibu ęaraņņi yabbi zirrijiddi naņņa dampe phonyagun nyampo logste yoņ zane, ęeņ khoa ʈelba tshorin."

9 ¹ Yeshui khoņgunla mols, "De khyozhaa denba zerrad, ika yodkan khaciggi Konchoggi gyałsid waņņi naņņa skyodcespo thoņte mane mishi."

Yeshui zirrijid sņons.

9:2 ne 13

² Zhag ʈuggi stiņne Tsoo Yeshui Pitar, Yakob taņ Yohanan gun ʈidte suaņ medsa ri thonpozhiiggika skyods. Teru khoņgunni dunla Yeshui skuzugs gaņpo gyurte ³ khoņņi namzaa staminyances odcan karmo gyur, jigstenni karmo cocessi zas ciggiaņ tetsogs karmo co minyan. ⁴ Tene khoņgunni luņstonpa Mozes taņ eliye Yeshua zhalta salin jal.

⁵ Pitarri Tsoo Yeshua zers, "Lobponle^f ęazhaa ika yodcespo magyalla soņ. Yoņshiggaņ zhugsa sum stsigin, nyeraņņi phia cig, Mozessi phia cig, yaņ eliye phia cig." ⁶ Khoa ci zergoshespo hamagopa, khoe tebo zers, khoņgun mașante jigste yodpin.

⁷ Tene khoņgun ʈinni kabs, yaņ ʈinni naņne suņskadciggi mols, "Ibo ęe cespe butsha in, khoe kanyon." ⁸ Hunmedla, khoņgunni thathothamaa stacig Yesu mane, yaņsuaņ khoņgun nyampo medkanbo thoņ.

^f9:5 Griissi skaddi naņņa rabi Griiste yodte innog, kaboe ton lobpon innog.

⁹ Rine babste skyodin yod zane Yeshui khoṅgunla, namtshogpa mirigssibu shikangunni ʔone sonea laṅṅa midzad, khoṅgunni thoṅkanbo suaṅ mishadcesla ka sals. ¹⁰ Teboephia khoṅgunni tegun suzhiggaṅ mashadda, saṅwe naṅṅa bors. Innaṅ khoṅraṅ cig taṅ cigga ʔis, " 'Shikangunni ʔone laṅsshespo' ci molte inhe?"

¹¹ Tene khoṅgunni Yeshua ʔis, "Tene chosthimsa khaspagunni Mashika skyoddi saṅ sṅunla luṅstonpa Eliya skyodgos cia zerte innog?"

¹² Yeshui lansals, "Tantanla, citshaṅma ʔalṅig cocesla Eliya sṅunla yoṅin. Tene ciphia dampe suṅrabssi naṅṅa mollarog, 'Mirigssibua sdugsṅal thoṅgos yaṅ migunni tshitu theste phaṅin'?" ¹³ De khyozhaa zerrad, Eliya yoṅ tsharte in, innaṅ khoṅgunni kho nyampo coin samkan tshaṅma cos, kazug dampe suṅrabssi naṅṅa khoe skorla ʔiadzadte yod"

Yeshui goṅpo zhugskanni butshazhig phancugga dzads.

9:14 ne 29

¹⁴ Khoṅgun rine babste zhan lobṭuggun yodsa skyoddacig, mitshogs chenmozhiggi khoṅgunla skorte yaṅ chosthimsa khaspa khaciggi khoṅgunla zerzer taṅin zigs. ¹⁵ Mitshogs gaṅpoe Yeshu jallacig, khoṅgun ʔante halas yaṅ baṅtaṅste khoṅṅa thuggala soṅ.

¹⁶ Yeshui ʔia dzads, "Khyozhe khoṅgun nyampo ci skorla zerzer taṅṅadpin."

¹⁷ Mitshogssi ʔone mizhiggi lantaṅs, "Lobponle ṅe ṅaraṅṅi butsha rdud zhugste spera taṅmanyankanbo nyeraṅṅika khyoṅspin. ¹⁸ Rdudpoa khoe naṅṅa zhugssacig khoe, kho seka gyabdug, yaṅ khe naṅne voa biṅin khorāṅṅi so ʔigste zugspo ʔante gyurdug. De nyeraṅṅi lobṭuggunla rdudpo phiṅcesla zhuwa phulpin, innaṅ khoṅgunla tebo phiṅ manyan."

¹⁹ Yeshui mols, "Tatpa medkanni Mirabs, namtshogpa ṅa khyozhagun nyampo dug? Namtshogpa ṅe khyoraṅṅun nyampo zodpa bor? Butshabo ṅa yodsa khyoṅ."

²⁰ Khoṅgunni butshabo thidte khyoṅs. Innaṅ rdudpoe Yeshu thoṅṅacig, khoe ṭugui zugspo maṅante ʔugs, yaṅ kho seka gyel. Zugspo iṅo aṅoa rilin khoe khe naṅne voa biṅ.

²¹ Yeshui ṭugui ababoa ʔia dzads, "Khoa i zumobo namne pharla yodpin?"

Khoe lantaṅs, "Kho ṭugu chuṅun yod zane pharla. ²² Rduddi kho lan maṅpo sadcessi phia me yaṅ chui naṅṅa phaṅs, innaṅ galtes nyeraṅṅa citoṅshig dzadnyances yodna snyiṅrje dzadte ṅazhaa rogs coa dzad."

²³ Yeshui khoa mols, "Cia zerrad 'Galtes nyerañji nyanna?' Konchoggi nañña tatpa yodkangunni phia khoñji citshañma dzad nyannanog."

²⁴ Tennamalla ÷ugui abe kuco tañs, "De tatpa coad, ñe tatpa nyuñunbo ldan cugga dzadte stanpo gyurcessi nañña rogs dzad."

²⁵ Yeshui mitshogs bañtañin khoñ yodsa yoñña zigssacig, rdudpoa khaskyeya dzadte mols, "Tshor micugkan tañ spera tañ micugkanni rdudpo, ñe khyorañña i ÷ugui nañne biñste yañskyar khoe nañña mane, michacesla katanñad."

²⁶ Tene rdudpoe kuco tañin, butshe zugspo mañante şugin, seka gyabste khoe nañne biñste yoñs. Butshabo shikan tsogs thoñpa, mi mañpozelligi zers, "Kho shite innog." ²⁷ Innañ Yeshui chag şkyañña dzadte kho lañcesla rogs coa dzads, tene butshabo lañs.

²⁸ Stiñne Yeshu tañ khoñji lob÷uggun khañpe nañña cigpo yod zane, khoñgunni Yeshua ÷is, "Dazhagunla rdudpo cia phiñ manyanna innog?"

²⁹ Khoñji tegunla, "Tetsogssi rdud moslam cigpo gyudte phiñ nyannanog" mols.

Yeshui yañskyar khoñrañ ðoñshessi skorla luñstan dzads.

9:30 ne 32

³⁰ Yeshu tañ khoñji lob÷uggun, te yuljoñsne biñste Galillii yulkhag gyudte skyods. Yeshui khoñ yodse nassabo suañ gyus chacugnyin medpin. ³¹ Ciazhuna khoñji khoñrañji lob÷uggunla labzha salces inpin. Khoñji khoñgunla mols, "Mirigssibua ñolog coste ðaogunni lagga stadin. Khoñgunni kho sadin, yañ zhagma summi stiñne sontea lañsshugga dzadin." ³² Khoñji molkangun khoñgunla hamago, innañ teboe tonbo ÷icesla hampa mayoñs.

Konchoggi gyalşiddi nañña tagshog.

9:33 ne 37

³³ Kapharnahummi ðoñkhyerla lebste khañpazelligi nañña dugste yodtus, Yeshui khoñrañji lob÷uggunla ÷ia dzads, "Dadañgun ðulte yoñ zane, khyozhagunni ci skorla zerzer taññadpin?" ³⁴ Innañ khoñgunni lan matañs, ciazerna khoñgunni khorañgunni ÷one tagshog su inkanboe skorla zerzer taññadpin. ³⁵ Khoñ seka zhugste lob÷ug rcugnyispoa khoñrañ yodsa bodda dzads yañ mols, "Tshañmesañ goshogpo gyurnyin yodkanbo tshañmesañ stiñjugpo yañ tshañme yogpo gyurgos."

³⁶ ÷ugu chuñunzhig khyoñste khoñgunni skyilla lañcugga dzads. ÷ugubo khoñrañji chaggi nañña khyoñña dzadste khoñji khoñgunla mols. ³⁷ "De lob÷ug

incespoe suzhiggi i tugu tsogsshigga gasus cona n̄aa gasus coste in, yaŋ suzhiggi n̄aa gasus zhuna, khoe n̄aa cigpoa manpa, n̄a kalla dzadkanni yabbaŋ gasus zhuste in."

Dadaŋgi gyabgal macokangun n̄adaŋgi chogspa innog.

9:38 ne 41

³⁸ Yohananni zers, "Lobponle mizhiggi nyeraŋgi tshan khurte rdud phiŋŋa n̄azhe thoŋ, yaŋ n̄azhe khoa tebo maco zerp̄in ciazerna kho n̄adaŋgi t̄opa manpin."

³⁹ Yeshui mols, "Khoa ghag maghag, n̄e miŋ khyudcan kolte stas stankangunni tenna zane n̄e skorla spera n̄anpa mizer. ⁴⁰ Dadaŋgunni gyabgal macokangun n̄adaŋgunni chogspa innog. ⁴¹ D̄e khyozhaa denba zerrad, khyozhaa mashike incespoe chu kore gaŋ taŋkangunla tantanla solras salla dzadin."

Sdigpe naŋŋa gyelcugces.

9:42 ne 50

⁴² Innaŋ n̄a tatpa cokan chuŋgunni naŋne cigga sdigpa cocuggi saŋ khoran̄gi skyea ranthaggi rdoa chenmo tagste, gyatshoe naŋŋa phaŋna gyal. ⁴³ Galtes khyoran̄gi lagpe khyoran̄ŋa sdigpa cocuggadna, cadte phaŋstoŋ. Lagpa nyis yodte nyalwe mee mane mashikanni naŋŋa phaŋcuggi saŋ, lagpa cig nyampo thamedpe mitshee naŋŋa chana gyal. ⁴⁴ ^{g45} Galtes khyoran̄gi kaŋpe, khyoran̄ŋa sdigpa cocuggadna tebo cadtoŋ. Kaŋpa nyis yodte nyalwe naŋŋa phaŋcuggi saŋ kaŋpa cig nyampo thamedpe mitshee naŋŋa chana gyal. ⁴⁶ ^{h47} Yaŋ galtes khyoran̄gi miggi sdigpa cocugna, tebo d̄ustoŋ. Mig nyis yodte nyalwe naŋŋa phaŋcuggi saŋ, mig cig nyampo Konchoggi gyal̄siddi naŋŋa chana gyal. ⁴⁸ Teru shaa zakanni butsiggun mane mishi, yaŋ mebo tusgyun barin dugganog."ⁱ

⁴⁹ "Chodpa tsha nyampo lagmo coa tsogsla, n̄e naŋŋa tatpa cokan tshaŋmaa, me gyudte lagmo coin. ⁵⁰ Tsha phanthogscan innog, innaŋ galtes tshi d̄odpo yolna tebo khyozhe kazuggi logste khyoŋin? Khyozhe mitshebo tsha tsogsla d̄odcan yoŋgos, yaŋ cig taŋ ciggi naŋŋa zhide nyampo dugshig."

^g**9:44** s̄nunme specha khaciggi naŋŋa i kaŋpaboe naŋŋa teru shaa zakanni butsiggun mane shia manog yaŋ mebo tusgyun barin dugganog Griiste yodte innog

^h**9:46** s̄nunme specha khaciggi naŋŋa i kaŋpaboe naŋŋa teru shaa zakanni butsiggun mane shia manog yaŋ mebo tusgyun barin dugganog Griiste yodte innog

ⁱ**9:48** ibo zhalchad snyiŋpe yeshaye speche naŋne 66:24 naŋŋa yodte innog.

Nama cadces tañ bagma cocessi skorla ðoldur.**10:1 ne 12**

10¹ Tsoo Yeshu Kapharnahumne biñte yahude yuljoñs yañ Yordan ltsañspoe pharka skyods. Yañskyar mitshogs khoññi yodsa dzoms, yañ lobs nañzhin khoññi khoñgunla labba dzads.

² Tshodltacesla pharushipa khacig khoñ yodsa yoñste ðis, "Mizhiggi khoraññi nama ðhims nañzhin cad chogganogga?"

³ Yeshui lansalla dzads, "Nama cadcassi skorla luñstonpa Mozessi ðhimssi nañña ci molte dug?"

⁴ Khoñgunni lantañs, "Mozessi namaa cadkanni shugu Griiskanbo tañste kho lamcug chogganog moldug."

⁵ Innañ Yeshui lansals, "Mozessi i ðhimspo khyozhe snyiñ skyoñpo yod pasañ, Griiste innog. ⁶ Innañ gozuggika citshañma dzad zane, Konchoggi 'Butsha tañ bumo coa dzads. ⁷ Teboephia butshazhig khoraññi aba tañ ama nyampo bete nama nyampo cigðil chanog. ⁸ Yañ khoñ nyisko zugspo cig gyurranog. ^j Ta khoñgun nyis manpa cig innog. ⁹ Teboephia Konchoggi cig dzadkanbo suzhiggañ phe macug."

¹⁰ Yeshu khoñraññi lobtuggun nyampo khañpe nañña zhugste yodtus, khoñgunni khoñña teboe skorla ðis. ¹¹ Khoññi khoñgunla lansalla dzads, "Khoraññi nama cadte zhan bumozhig nyampo nama cokanboe khoraññi nama gyabgalla logyem coste innog. ¹² Yañ galtes bumozhiggi khoraññi magpa cadte zhanzhig nyampo bagma cona, khoe logyem coste innog."

Yeshui tñugunla cinlabs salla dzads.**10:13 ne 16**

¹³ Phamagunni tñugu chuñgun Tsoo Yeshui chagstsea dzadte cinlabs salcesla khyoñs. Innañ khoññi lobtuggunni tñugu khyoñkangunla khaskyes.

¹⁴ Tebo zigste Yeshua thugsşo skyods, yañ khoñgunla mols, "Tñugu chuñgun għag magħagga ña yodsa yoñcug, ciazerna itsogsgunni phia Konchoggi gyałsidpo innog. ¹⁵ ðe khyozhaa denba zerrad, Konchoggi gyałsid tñugu chuñgun tsogsla malenkangun Konchoggi gyałsiddi nañña mane zhugs minyan." ¹⁶ Tene khoññi

^j10:8 ibo ni zhalchad snyiñpe gozug zerkanni speche nañne 2:24 nañña yodte innog.

ṭugugun khoṅraṅṅi chaggi naṅṅa khyoṅṅa dzads, yaṅ khoṅgunnika chag borra dzadte cinlabs salla dzads.

Mi chugpo.

10:17 ne 31

¹⁷ Tsoo Yeshu lamne skyod zane, mizhig baṅṅaṅin yoṅste khoṅṅi dunla pigdoṅ tsugste ṭis, "Lobpon zaṅpole, thamedpe mitshe norskalla thobcessi phia ṅe ci cogos?"

¹⁸ Yeshui ṭia dzads, "Ciphia khyoraṅṅi ṅaa zaṅpo zerrad? Konchog cigpo mastog suaṅ zaṅpo man. ¹⁹ Innaṅ khyoraṅṅi ṭiwaa lantaṅṅa, khyoraṅṅa kagyagun shessanog, 'Mi masad, riṅṅi zhidmad manpa zhanma nyampo lusḍel maco, ṣkumaṣku, spaṅpo zunba mataṅ, gobskorte pene makhyer, aba taṅ amaa stsiwa cos.^k"

²⁰ Khoe lantaṅṅ, "Lobponle, te tshaṅma ṅe chuṅtusne pharla ṣuṅste in."

²¹ Yeshui khoa zigste khoeka camspa skyes. Khoṅṅi mols, "Taruj khyoraṅṅa cogoshes cig luste dug. Soṅ yaṅ khyoraṅṅi gyunor tshaṅma tsoṅste pene nyalbacangunla toṅ, namkhe naṅṅa khyoraṅṅa baṅdzod thobin. Tene yoṅste ṅe gyabne ḍoṅṅs."

²² Tebo tshorracig khoe go ghus yaṅ tsherkhaa yoṅste soṅ, ciazerna kho machugpo yodpin.

²³ Yeshui khoṅṅa skorkanni mitshogsla zigs yaṅ lobṭuggunla mols, "Chugpogun Konchoggi gyalṣiddi naṅṅa lebcespo tsamshiggi kagspo manog." ²⁴ Teboe khoṅgun halasshugs. Innaṅ Yeshui yaṅskyar mols, "Cespe ṭugugun Konchoggi gyalṣiddi naṅṅa lebcespo tsamshiggi kagspo manog. ²⁵ Mi chugpo Konchoggi gyalṣiddi naṅṅa lebcessi saṅ rṅaboṅ khabbi migne biṅcespo, lamo chen."

²⁶ Lobṭuggun maṅṅa halaste ṭis, "Tene sua tharpa thobin."

²⁷ Yeshui khoṅgunla zigste mols, "Ibo mia co mane minyan, innaṅ Konchogga citshaṅma dzad nyannanog."

²⁸ Piṭarri Yeshua zers, "Ḍazhe citshaṅma phaṅste, nyeraṅṅa ḍaṅspin. Ḍazhaa solras ci thobin?"

²⁹ Yeshui lansals, "Ḍe denba zerrad, suzhiggi ṅaa ya gamoe nastshulli tonla khaṅpa ya acono ya ace nomo ya aba ya ama ya ṭugu ya zhiṅ phaṅskan tshaṅmala

^k10:19 ibo ni zhalchad snyiṅṅe Ijibne shorkanni speche 20:12 ne 16 naṅṅa yodte innog

³⁰ inna mitshe naŋŋa, khaŋpa, acono, ace nomo, aba, ama, ʔugu, zhiŋ gunni gyal dab matshad nagsbardo thoŋin, yaŋ Konchoggi gyałšiddi tusla thamedpe mitshe thobin.

³¹ Innaŋ dagsa goeka yodkan maŋpo stiŋjugga lusin yaŋ dagsa stiŋjuggika yodkan maŋpo goeka lebin."

Yeshui yaŋskyar khoŋraŋ doŋshessi skorla shadda dzads.

10:32 ne 34

³² Tsoo Yeshui go dzadte khoŋgun kyenla Yerushalemma skyodin yodpa lobʔuggun halas yaŋ khoŋŋi gyabne ɗaŋste yoŋkangun jigssadpin. Yeshui, khoŋraŋŋi lobʔug rcugnyispo soso khyerte khoŋraŋŋa cuŋcesgun shadda dzads, ³³ "Nyonshig, ŋadaŋgun kyenla Yerushalemma chaces innog, mirigssibu lama uskyoŋ taŋ chosthimsla khaspagunni lagga stadin yaŋ khoŋgunni khoa shicessi chadpa cadte Yahudapa mankangunni lagga stadin. ³⁴ Tene khoŋgunni khoa thelba stante, chilmag taŋ stallcag gyabste sadin, yaŋ zhagma summi stiŋne kho sontea laŋin."

Yakob taŋ Yohanan gunni zhuwa.

10:35 ne 45

³⁵ Tene zebeddii butsha Yakob taŋ Yohanan Yesu yodsa yoŋste zers, "Lobponle, nyeraŋŋi ŋazhe zhuwa zhucespo coa dzaddaŋle."

³⁶ Khoŋŋi ʔia dzads, "Khyozhe phia ŋe ci co?"

³⁷ Khoŋgunni lantaŋs, "Nyeraŋ nyeraŋŋi zirrijidcanni zhugsthisika zhugs zane, ŋazhaa nyeraŋŋi chag yaspa taŋ yome stsiwacan Koseka dug cugga dzadle."

³⁸ Innaŋ Yeshui khoŋgunla mols, "Khyozhe zhuwa phulkanbo khyozhaa hamagoa innog, sdugsŋalli kore ŋa thuŋcescanbo khyozhe thuŋnyances ragga ya sdugsŋalli ʔus ŋe lencescanbo khyozhe len nyances ragga?"

³⁹ Khoŋgunni zers, "Nyancesragle."

Tene Yeshui khoŋgunla mols, "Khyozhagunni tantanla ŋe sdugsŋalli kore naŋne thuŋin yaŋ sdugsŋalli ʔus ŋe lenkanbo nyampo khyozhe ʔuslenin. ⁴⁰ Innaŋ ŋe yaspa taŋ yomeka dugcugcessi waŋcha ŋaa med. Konchoggi te nassagun ldamma dzadkangunni phia ɗalɗig dzadte yod."

⁴¹ Tebo tshorracig, lobʔug cuboa Yakob taŋ Yohanannika ŋo yoŋs. ⁴² Yeshui khoŋ tshaŋmaa bodda dzadte mols, "Khyozhaa gyusmedda? Yahudapa mankangunni waŋsulpagunni khoŋgunnika snyiŋrje medpa waŋsullanog, yaŋ khoe waŋcha

taŋkangunni te yulmigun khoranŋi kaŋpe yogga borte waŋşullanog. ⁴³ Khyozhe naŋŋa tetsogs yoŋ magos. Khyozhe ʔone tagpo gyurnyin yodkanbo zhangunni yogpo gyurgos, ⁴⁴ yaŋ khyozhe ʔone goeka lebnyin yodkanbo zhan tshaŋme tsheyog gyurgos. ⁴⁵ Kazug mirigssibu zhabstog zhucugcesla manpa zhabstog zhuala yoŋspin, yaŋ mi maŋpoe şogrin shalcesla khoe raŋşog taŋin."

Bartimus zerkanni zhara phankanni skor.

10:46 ne 52

⁴⁶ Khoŋgun Yerikoa leb. Yeshu, khoŋŋi lobʔuggun taŋ mitshogs chenmozhiŋ Yerikone biŋste skyod zane, Timaussi butsha Bartimus zharabo lammi thama ltsaŋŋala dugste yodpin. ⁴⁷ Bartimussi, Natsaredpa Yeshu skyodin innog zerte tshorracig, khoe kuco taŋces gozugste zers, "Yeshu, gyalpo Dabiddi phorgyud ŋeka snyinrje dzad."

⁴⁸ Mi maŋpoe khoa khaskyeste cubcod zers, innaŋ khoe maŋŋa kuco taŋste zers, "Gyalpo Dabiddi phorgyud, ŋeka snyinrje dzaddaŋ."

⁴⁹ Yeshu ʔulla madzadda zhugs yaŋ mols, "Khoa ika bod." Tene khoŋgunni zharaboa bodte zers, "Thadpo cos, loŋs, khoŋŋi khyoraŋŋa bodda dzaddug" zers. ⁵⁰ Bartimussi khoranŋi Kospo thama phaŋs yaŋ chomste kaŋpeka laŋs yaŋ, Yeshu yodsa yoŋs.

⁵¹ Yeshui khoa ʔia dzads, "Ŋe khyoraŋŋi phia ci co?" Zharaboe zers, "Lobponle, ŋaa yaŋskyar thoŋ cugga dzad."

⁵² Yeshui khoa mols, "Soŋ khyoraŋŋi dadpe khyoraŋ phancugste in." Tennamalla khoa thoŋthub, yaŋ kho te lammika Yeshui stiŋraŋne soŋ.

Yeshua gyalpoe tshulla gasus zhus.

11:1 ne 11

11 ¹ Yerushalemmi gyalse nyemoa oliwwi rika¹ yodkan Bedphage taŋ Bedthani ʔoŋsebgunla lebkyis yoddacig, Tsoo Yeshui lobʔug nyis sŋunla lamcugga dzadte ² mols, "A ʔoŋsebbi naŋŋa soŋ, teru labbacig, suaŋ mazhonkanni buŋsarzhig tagste thoŋcen, tebo tolte ika khyoŋ. ³ Galtes suzhiggi khyozhagunla, 'Ci coad' zerte ʔina "Tsooa gosdom dug yaŋ gyogspa logste khyoŋin' zer."

¹21:1 i riboika oliwwi lcaŋma maŋpo skyeste yodpa iboa oliwwi ri zerradpin.

⁴ Khoṅgun soṅ yaṅ, buṅsarbo ṣaṅṅika ghoe philogga tagste yodkanbo thoṅ. Khoṅgunni tebo tol zane ⁵ teru laṅste yodkanni mi khaciggi tiṣ, "Khyozhagunni buṅsarbo tolte ci coste in?" ⁶ Yeshui ka salkan naṅzhin khoṅgunni lantaṅspa, khoṅgunla tebo khyercugs. ⁷ Khoṅgunni buṅsarbo Yeshu yodsa khyoṅs, yaṅ khoṅraṅgunni Kos teboa stadspa, Yeshu teboeka zhonna dzads.

⁸ Mi maṅpozhiggi raṅraṅṅi Kos Yeshu skyodse lammika tiṅs, yaṅ zhangunni zhiṅṅi thamme lcaṅma yalga cadte tiṅs. ⁹ Yeshui gyab taṅ dunne yoṅkangunni kuco taṅin zers.

"Konchogga stodpa phul.

Tsoo Konchoggi waṅche naṅṅa skyodkanbo cinlabscan.

¹⁰ Ḍadaṅgunni phamespo Dabiddi yoṅcescanni gyalṣidla cinlabs salshig.

Namkhaa thoshogga zhugskanni Konchogga stodpa phul."^m

¹¹ Yerushalemmi naṅkugga lebbacig Yeshu chodkhaṅṅi naṅṅa skyods. Khoṅṅi karuṅsa zigs, innaṅ phitog gorte in pasaṅ, khoṅ lobṭug rcugnyis nyampo Bedthania logste skyods.

Yeshui phiggi lcaṅma ṅan tabba dzads.

11:12 ne 14

¹² Stiṅmazhaggi ṅamo, khoṅgun Bedthanine skyod zane Tsoo Yeshu rims. ¹³ Khoṅṅi azamshigga lome gaṅste yodkanni phig khazassi lcaṅmazhig zigs, teka khazas yodḍo samste zigssala skyods. Innaṅ teka lebbacig, khoṅṅi loma mane khazas mazigs, ciazerna khazas smincessi tuspo malebba inpin. ¹⁴ Tene khoṅṅi lcaṅmaa mols, "Tanepharla suzhiggiaṅ, khyoraṅṅi kane khazas miza" yaṅ lobṭuggunni khoṅṅi molkanbo tshor.

Yeshui chodkhaṅ stsaṅma dzads.

11:15 ne 26

¹⁵ Khoṅgun Yerushalemma logste skyods, teru lebbacig Yeshu, chodkhaṅṅa skyodte ṣogchodla phulcessi semscan tsoṅkan taṅ nyokan gun phiṅṅa dzads. Pene zhebkanni cogtse taṅ phurgon tsoṅkanni kursi tshaṅma logga dzads. ¹⁶ Yaṅ khoṅṅi chodkhaṅṅi naṅṅa, tshoṅṅi calag aṅo iṅo khyercesne tshaṅmala ghagga dzads.

^m**11:10** ibo ni zhalchad snyiṅpe suṅgurri speche naṅṅe 118:25 taṅ 26 yaṅ 148:1 gunni naṅṅa yodte innog.

¹⁷ Yeshui khoṅgunla mols, "Dampe suṅrabssi naṅṅa Konchoggi molla dzadte dug, 'De khaṅpaa gyalkhams tshaṅme moslam zhusse khaṅpa zerin' ðia dzadte innog, innaṅ khyozhagunni tebo cagpagunni tshaṅs coste dug."ⁿ

¹⁸ Lama uskyoṅgun taṅ chosthimsa khaspagunni, Yeshui dzadkanbo tshorracig, tegunni khoṅ sadcessi thabs tsalces gozugs. Innaṅ tegun khoṅṅa jigssadpin, ciazerna migun, Yeshui labzhagunnika maṣaṅte halaste yodpin.

¹⁹ Phitog lebbacig, Yeshu taṅ khoṅṅi lobṭuggun gyalsane biṅste skyod.

²⁰ Stiṅmazhagga ṅamo, khoṅgun Yeshui ṅan tabba dzadkanni phiggi lcaṅme dunne chacig, lobṭuggunni tebo paṅagne pharla skamste thoṅ. ²¹ Yeshui molla dzadkanbo, Pitarla idtu yoṅste khoṅṅa zers, "Lobponle zigssaṅ, nyeraṅṅi ṅan tabba dzadkanni phiggi lcaṅmabo skamstog."

²² Yeshui lansals, "Konchogga tatpa cos. ²³ De khyozhaa denba zerrad, galtes khyozhe i riboa, 'Soṅ yaṅ khyoraṅ tshoe naṅṅa phoṅ' zerna, yaṅ snyiṅṅi naṅṅa thetshoms macoa zerkanbo ḍubbanog samste tatpa cona, tebo khyozhe phia coa dzadin. ²⁴ De khyozhagunla zerrad, khyozhe moslammi naṅṅa cizhig zhunaṅ tebo thobtsharte in samste tatpa cona, tebo khyozhagunni innog. ²⁵ Innaṅ khyoraṅgunni moslam phul zane, goma khyoraṅgunni gyabgalla ṅanpa coste yodkangunla shagspa toṅshig. Tene namkhe naṅṅa zhugskanni khyozhe yabbi, khyozhagunni sdigpagunlaṅ shagspa salla dzadin. ²⁶ o

Yeshui waṅche skorla ḍoldur.

11:27 ne 33

²⁷ Yaṅskyar khoṅgun Yerushalemma skyods, Yeshu chodkhaṅṅi gyaṅskorri naṅṅa, zhabḍulla skyod zane lama uskyoṅgun, chosthimsa khaspagun taṅ, Yahudape uskyoṅgun khoṅ yodsa yoṅste ²⁸ ṭis, "Ka waṅcha nyampo khyoraṅṅi igun coad yaṅ khyoraṅṅa i waṅcha sui taṅs?"

²⁹ Yeshui khoṅgunla mols, "De khyozhagunla ṭiwazhig ṭiin, galtes khyozhe lantaṅṅa, tene ṅeaṅ ka waṅcha gyudte igun coad khyozhaa shadin. ³⁰ Naa shoddaṅ, Yohananla thussalcessi waṅcha Konchoggi chogsne thobte innogga ya mi chogsne?"

ⁿ11:17 ibo zhalchad snyiṅpe yeshaye speche 56:7 taṅ yeremyi speche 7:11 naṅṅa yodte innog..

^o11:26 sṅunme specha khaciggi naṅṅa kaṅpa 26 yodte innog. Tebo 'Innaṅ galtes khyozhe shagspa mataṅṅa namkhe naṅṅa zhugskanni khyozhagunni yabbi khyozhagunni sdigpagunlaṅ shagspa salla midzad.'

³¹ Khoŋgunni khoranŋunni naŋŋa spera taŋste zers, "Galtes Konchoggi chogsne innog zerna, khoe khyozhe khoa cia idshes macospin zerte tiin ³² innaŋ ŋadaŋŋi mii chogsne innog zercessi hampa coinna?" (Khoŋgun migunla jigssadpin, ciazerna mitshaŋme Yohananla luŋstonpa stsiadpin). ³³ Teboephia khoŋgunni Yeshua lantaŋs, "Ŋazhaa gyusmed."

Yeshui khoŋgunla mols, "Ŋeaŋ mishad, ŋe sui waŋche naŋŋa igun coad."

Zhiŋbadpa ŋanpagunni spe.

12:1 ne 12

12 ¹ tene Tsoo Yeshui khoŋgunla ruŋsgun gyudte labces gozug dzads, "Mizhiggi khoranŋi zhiŋŋa rgun tabste gyaŋskor taŋs. Rgun tsirse nassa ɖus, yaŋ rgunthasla stacessi phia nassa thonpo stsig. Tene rgunthaspo zhan zhiŋbadpagunla shasla taŋte khoranŋ zhan yulzhigga dugga soŋ. ² Stonthoggi tusla khoe shiŋtoggi skalla lennala shasla taŋkangunnika khoranŋi yogpozhiŋ lamcugs. ³ Innaŋ khoŋgunni yogpobo zumste khoa rduŋs, yaŋ kho lagstonŋa logste lamcugs. ⁴ Zhiŋŋi dagpoe zhanyaŋ yogpozhiŋ lamcugs, innaŋ khoŋgunni khoe goeka rduŋs, yaŋ thelba stans. ⁵ Zhanyaŋ yogpo lamcugkanbo sads. Khoe zhan maŋpo lamcugkangunnaŋ tenna tsogs cos, khacigga rduŋs, yaŋ khacig sads. ⁶ Ta lamcuggala cigcig luste yodpin, khoranŋi cessa cokanni butsha. Stiŋjugga zhiŋ dagpoe kho lamcugs, yaŋ sam, ' khoŋgunni tantanla ŋe butshaa stsiwa coanog.' "

⁷ "Innaŋ shaspagunni cig taŋ cigga zers, 'I zhiŋ norskalla thobcescanbo yoŋŋala, yoŋshig, kho sadin yaŋ khoe norskambo ŋadaŋŋa thobin.' ⁸ Tene khoŋgunni kho zumste sads, yaŋ khoe zugspobo rgunthasne philogga phaŋstaŋs."

⁹ Yeshui ɖia dzads, "Tene rgunthasasi dagpoe ci coin? Kho yoŋste, shaspagun sadin, yaŋ rgunthaspo zhan zhiŋbadpa rigga shasla taŋin. ¹⁰ Ci khyozhagunni dampe suŋrabssi naŋne ibo masilpinna?"

'Ka rdoabo khaŋpa stsigkangunni phanmithogs thes,

Tenna rdoabo khaŋpe ɖurdoabo gyur

Kabo tshaŋmesaŋ khagcan rdoabo innog.

¹¹ Ibo Tsooe coa dzadte innog,

Tebo thonŋe ŋadaŋ ma halasin.'P

¹² Lama uskyongun, chosthimsla khaspagun taŋ, Yahudape uskyongunni, Yeshu zumcessi dodpa yodpin, ciazerna te ruŋspo khoŋgunni gyabgalla shadte inkanbo hago. Innaj khoŋgun mitshogs chenmo jigspa, Yeshu borte tekane soŋ.

Rompe gyalpoa thal.

12:13 ne 17

¹³ Stiŋne uskyongunni, pharushipa khacig taŋ Herodadi chogspa khacig Tsoo Yeshui molkanni sperarig gyudte khoŋ khadcugcesla lamcugs. ¹⁴ Khoŋgun yonste khoŋŋa zers, "Lobponle, nyeraŋ ɗaŋpo dzadkanbo ŋazhaa gyusyod yaŋ ɗaŋpo nyampo nyeraŋŋi Konchoggi lammika ɗulces labba dzaddanog. Nyeraŋŋi mi naŋŋa yaphes dzadda manog ciazerna nyeraŋŋi khoŋgun su inkanboeka snaŋŋa dzadda manog. Rommi gyalpoa thal shalcespo ospa innogga ya manog?" ¹⁵ ɗazhagunni thal shalgossa ya magos?"

Khoŋgunni khachos cokanbo khyente Yeshui mols, "Cia ŋa sere naŋŋa skarcessi stsonɗus coad? Rompe mulli penezhig khyonste ŋaa stonnaŋ." ¹⁶ Khoŋgunni penezhig khyonŋ, yaŋ khoŋŋi ɗia dzads, "I peneka yodkanni par taŋ miŋ sui innog?"

Khoŋgunni lantaŋs, "Rommi gyalpoe innog."

¹⁷ Tene khoŋŋi khoŋgunla mols, "Gyalpoe inkanbo gyalpoa toŋ yaŋ Konchoggi inkanbo Konchogga phul." Khoŋŋi lan salkanboeka, khoŋgun maŋante halas.

Shite stiŋne mitshee skorla ɗoldur.

12:18 ne 27

¹⁸ Tene shikangun sontea laŋŋa manog zerkanni saddukipagun Yeshu yodsa ɗiwazhig ɗiala yonŋ, ¹⁹ "Lobponle Mozessi ŋadaŋgunla ɗhimsshig salla dzadte dug. 'Galtes butshazhig ɗugu medpa shina, khoe aco ya noe magpa shikanni bumoa nama coste, shikanboe mirgyud lussnessi phia ɗugu skyecug gos.. ²⁰ Ta acono rdun yodpin, aco cheshogpoe bagma cos, yaŋ ɗugu medpa shi. ²¹ Tene no nyispaboe, ane maraŋmobo nyampo nama cos, innaj khoŋ ɗugu medpa shi, tenna tsogs sumpabo nyampo soŋ. ²² Matshad khoŋ rdunko ɗugu medpa shi, stiŋjugga bumoboŋ shi. ²³ Bumoboe khoŋ rdunko nyampo nama cospa, shikangun sontea laŋŋi tusla kho khoŋgunni naŋne sui nama gyurin?"

²⁴ Yeshui mols, "Khyozhe samtshulbo norte innog ciazerna khyozhagunla Konchoggi stobs ya dampe suŋrabspo hamagoa innog. ²⁵ Konchoggi shikangun

sontea laṅṅa dzad zane, khoṅgunni nama mico ya bagma mitaṅ, khoṅgun namkhe phonya tsogs gyurin."

²⁶ "Innaṅ shikangun sontea laṅscessi skorbo, khyozhagunni Mozessi Griiste yodkanni speche naṅṅa masilpinna? Lcaṅma mea barkanni ruṅssi naṅṅa Konchoggi Mozesla molla dzads, "Ḍa ni, Abrahammi Konchog, Isakgi Konchog taṅ, Yakobbi Konchog in."^q ²⁷ Khoṅ ni shikangunni Konchog manpa, sonpogunni Konchog innog. Khyozhagunni northul chenmozhiḡ coste innog."

Kagya tshaṅmesaṅ khagcan.

12:28 ne 34

²⁸ Ḍoldurla nyaninzhig, teru chosthimsa khaspazhiḡ yodpin. Yeshui lan gyalla salkanbo tshorte khoe Yeshua ṅis, "Kagya tshaṅme naṅṅe kabo tshaṅmesaṅ khagcan innog?"

²⁹ Yeshui lansalla dzads, "Tshaṅmesaṅ kagya khagcanbo ni ibo innog 'Nyonshig. Wa, Israelpagun, ṅadaṅgunni Tsoo Konchog ni, Tsoo cigcig zhugste innog. ³⁰ Tsoo Konchogga snyiṅ gaṅpo, sems gaṅpo, stobs gaṅpo taṅ samba gaṅpone cesa cos."^q ³¹ Nyispabo, 'Raṅṅa cokaṅ tsogs khyoraṅṅi khyimtshespa cesa cos', igunni saṅ chea zhanyaṅ kagyazhiḡ med."

³² Chosthimsa khaspaboe lantaṅs, "Gyalla mols lobponle, nyeraṅṅi Konchog cigcig mane, zhanyaṅ medte innog molcespo ḍaṅpo molte innog. ³³ Konchogga snyiṅ, hago taṅ, shed tshaṅma nyampo cesa, yaṅ raṅṅa cokaṅ tsogs khyoraṅṅi khyimtshespa cesa cogoshespo, me naṅṅa chodpa taṅ, ṅoggi chodpa phulces tshaṅmesaṅ maṅṅa khagcan innog."

³⁴ Khoe ma shesrabscanni lantaṅkanbo khyenna dzadte Yeshui khoa mols, "Konchoggi gyaṅsidne khyoraṅ thagriṅṅa midug." Zhagne pharla suzhiggaṅ khoṅṅa ṅiwa ṅicessi hampa macos.

Mashika sui ṅas innog.

12:35 ne 40

³⁵ Tsoo Yeshui migunla chodkhaṅṅi naṅṅa labzha sal zane, khoṅṅi ṅia dzads, "Chosthimsa khaspagunni Konchoggi ldamma dzadkanni Mashika, gyalpo

^q12:26 ibo ni zhalchad snyiṅpe naṅṅa Mozessi specha nyispe naṅṅa 3:6 naṅṅa yodte innog.

Dabiddi phorgyud innog kazuggi zerranog? ³⁶ Gyalpo Dabid, khoranji dampe thugnyid gyudte izug zers,

'Konchoggi ne Tsooa mols,

De khyoranji dao tshanma,

Khyoranji kanpe yogga borbor tshagpa,

Khyoran ne lagpa yaspe thissika dug.'

³⁷ "Galtes Dabiddi Mashikaa 'Tsoo' zerradna, tene kazuggi Mashika khoe phorgyud innog?" Mitshogs chenmoe khoranji gamo nyampo nyannadpin.

³⁸ Labzha sal zane Yeshui mols, "Chosthimsla khaspagunni kane shan cos. Khoranji chossi koslag rinmo gonte dullala, yan thomssi nanja migunni kane stsiwa thobcesla thaddanog. ³⁹ Dukhanji nanja stsiwacanni nasseka yan donni nanja dalgoa duggala thaddanog. ⁴⁰ Ane maranmogunla gobskorte khoranji kharpagun khyerces, yan migunla stancesi phia moslam rinmo zhudug. Teboe zhaste khoranji chadpa shante phogin

Ane maranmoi bulldus.

12:41 ne 44

⁴¹ Chodkhanji nanja Yeshu pene lducessi ghammi dunla, tenanja pene phulkanni mitshogsla zigsin seka zhugste yodpin. Mi chugpo manpozheggi pene manpo phuls. ⁴² Tene nyalbacan ane maranmozheggi yonste zhanji pene nyis phuls, kabo tshanmesan nyunun rinthanji penebo inpin.

⁴³ Yeshui khoranji lobtuggun khoranji yodsa bodda dzadste mols, "De khyozhaa denba zerrad, zhan tshanme san i ane maranmo nyalbacanboe bulldussi ghammi nanja pene manja phuls, ⁴⁴ khoranji tshanme khoranji manpo yodkanni nanje nyununzhig tanj, innan i ane maranmoboe nyalbacan intean kho sontea lussnessi gossdom yodkan tshanma tanj."

Thame tussi stagsgun.

13:1 ne 37

13 ¹ Tsoo Yeshu chodkhanje binje skyodin yod zane, khoranji lobtug ciggi zers, "Lobponle i halassnessi chodkhanji stigszogun zigssa dzaddan, tsamshiggi chenmo rdoagan stiggala kolte innog."

² Yeshui lansals, "Khyozhagunni i chodkhañ halasshes stsigskanbo thoñdugga? Tusshig lebin nam, i stsigkanni rdoa ciggañ ciggika stsagste milus, tshañma shigin."

³ Chodkhaññi año chogssi lunpe oliwwi rika^r Yeshu zhugste yod zane, Pitar, Yakob tañ khoe no Yohanan tañ Endriu gun Yeshu cigpo yodsa yoñste ñis.

⁴ "Ñazhagunla shadda dzaddañ tegun nam cuñin, yañ te tshañma ñañña ñubcessi stagsgun kazug rig yoñin?"

⁵ Yeshui khoñgunla mols, "Suzhiggiañ khyozhaa gobskor tañ micugcesla shañ cos, ⁶ ciazerna ñe miñ khurte ña ldamma dzadkanni Mashika in zerkan mañpozhiñ yoñste mi mañpoa gobskor tañin. ⁷ Yañ khyozhagunni mag tañ maggi skorla uyagun tshorracig, jigs majigshig. Tegun cuñgos, innañ thame tus taruñ mileb. ⁸ Gyalkhams cig tañ cig yañ gyalkhag cig tañ ciggi gyabgalla mag tañin. Nassa mañpoe nañña muge tañ sañgul gun yoñin. Innañ tegun ni ñugu skyecessi gozuggi zugzerbo tsogs in."

⁹ "Tedusla khyozhagun shañ coste dug. Khyozhagun tenna yulli wañsulpe sde thusmigunni lagga stadte dukhañgunni nañña stallcag gyabcugin. Khyozhaa ñeka tatpa yodcespoe thimscaddala kalon tañ gyalpo gunnika khyerin. Tedus khyozhaa ñaa su inkanboe spañpo khoñgunla tañcessi skabs thobin. ¹⁰ Thame tus lebbi sañ sñunla, gamoe nastshulbo gyalkhag tshañmala shadgos. ¹¹ Khyozhagun zumste thimscadcesla khyoññacig, ci zerin samste sñunla tsher matshe. Tenna tusla, khyozhaa ci zercesla salla dzadnañ, tennabo zer, ciazerna spera tañkanbo khyozhagun manpa, dampe thugnyid innog. ¹² "Acogunni nogunla yañ abe butshaa yañ ñugui phamagunla ñolog coste sadcugin. ¹³ Khyozhaa ñeka tatpa cocespoe mitshañme khyozhagunla naphrad coanog, innañ thama tshogpa ñeka tatpa stanpo borkangun tharin.

¹⁴ "Nam 'Tshitu cokanni khamlogcespo dampe chodkhaññi nañña' yodcespo ospa man innañ borte thoññacig (Silkangunni ñe zercescangunnika snañña toñ) yahude yuljoñssi nañña dugkangun rigunla shorgos. ¹⁵ Khañpe khathogga yodkangun yogga babste khañpe nañña norgun lennala macha. ¹⁶ Zhiññika las coin yodkangun logste khañpaa Kos khyoññala macha. ¹⁷ Tedusla skyecesma tañ ñugua pibi tañkanni amagunla tsamshiggi jigssnañ manog. ¹⁸ Yañ i tshañma tuspo ghuntusla micuñcesla moslam zhus. ¹⁹ Ciazerna tedusla izam sdugsñal ñagpo cuñin, kabo

^r13:3 i riboika oliwwi lcañma mañpo skyeste yodpa iboa oliwwi ri zerradpin.

Konchoggi jigsten dzadpane pharla dagsa tsugspa macuṅṅa innog yaṅ stiṅzhinnaṅ micuṅ. ²⁰ Galtes Tsoo Konchoggi teduspo nyuṅun madzadpinna suzhiggaṅ sountea luste medḍo, innaṅ khoṅṅi ldamma dzadkangunni tonla, teduspo nyuṅun coa dzadin."

²¹ "Tedusla galtes suzhiggi khyozhaa, 'Stosshig Mashika ikane ya akane zhugste dug' zerna idshes maco. ²² Ciazerna Mashika zuma taṅ luṅstonpa zuma gun yonste dzadpa taṅ stasgun stante Konchoggi ldamma dzadkangunlaṅ gobskor taṅcessi stonḍus coin innaṅ taṅ minyan. ²³ Tuspo lebbi saṅ sṅunla ṅe khyozhaa citshaṅma shadte in, shaṅ cos."

²⁴ "Tedusla, sdugsṅalli stiṅne

'Nyima muṅḍig gyurin,

Lzawe od mitaṅ

²⁵ Namne skarmagun budin

Yaṅ namkhe waṅgun ṅugga dzadin.'^s

²⁶ Tene mitshaṅme, mirigssibu waṅ taṅ zirrijid tagpo nyampo ṅinnika zhonte yonṅa thonin. ²⁷ Yaṅ khoe khoranṅi phonyagun jigsten ganpoe naṅne ldamma dzadkangun lducesla kalin."

²⁸ "Ta phig khazassi lcaṅme kane labzha lob. Teboe yalga sṅonpo sonṅe loma soma biṅṅacig, yar nyemo lebkanbo shessanog. ²⁹ Tenna tsogsla khyozhagunni te stagsgun thonṅacig, kho logste yonṅessi tus nyemo, ghoḍe dunla lebste yodkanbo khyozhagunni shesin. ³⁰ De khyozhaa denba zerrad, i Mirabspo medkan che saṅ sṅunla te tshaṅma cuṅin. ³¹ Namkhaa taṅ jigsten nyisko medkan chen, innaṅ ṅe zerkangun medkan mane micha."

³² "Te tshaṅma cuṅcessi zhag ya tustshotpo Konchog yab cigpoa mane yaṅ suaṅ gyusmed, namkhe phonya ya butshaṅ. ³³ Yaṅ teduspo khyozhagunla gyusmed pasan, nyid mataṅṅa shaṅ coste dug.

³⁴ "Tebo ni mizhig sacha thagriṅzhigga besla chakan tsogs innog. Khaṅpane biṅṅi saṅ sṅunla khoe yogpogunla raṅraṅṅi las cocesla khag kallanog. Yaṅ gho ṅuṅpaboa shaṅ coste kho logste yonṅesla ṅuṅste dug zerranog. ³⁵ Teboephia shaṅ cos, ciazerna khaṅdag logste yonṅessi tus yaṅna phitog, tshanni skyil, namlaṅssi saṅ sṅunla, ya nyima sharte khyozhagunla gyusmedte innog. ³⁶ Galtes kho hunmedla

^s13:25 ibo zhalchad snyiṅpe yeshaye speche 13:10 taṅ 34:4 taṅ Yoelli speche 2:10 naṅṅa yodte innog.

lebna, khyozhagun nyidlogste yodkanbo thoŋ magos. ³⁷ De khyozhagunla zerkanbo tshaŋmala zerrad. Kho yoŋcesla ŋuŋste shaŋ coshig."

Yeshui uika ŋizhimcanni marnag lugs.

14:1 ne 9

14 ¹ Zhagma nyissi stiŋne pesag taŋ skyur medkanni tagi tuschen lebces inpin, lama uskyoŋgun taŋ chosthimsla khaspagunni saŋwe thogne Tsoo Yeshu zumste sadcessi skabs tsalladpin. ² Khoŋgunni zers, "Innaŋ pesaggi tuschenni tusla mizum ciazerna mitshogsla ŋo yoŋste hiliŋs phiŋsidces innog"

³ Yeshu Bedthani doŋsebbba dzenadne phankan Shimonni khaŋpe naŋŋa cogtse dunla stente zhugste yodtus, ŋizhimmi mar rincan skaŋkanni karyolli nod khurkanni bumozhig yoŋs yaŋ nodpo cagste ŋizhimbo khoŋŋi uika lugs.

⁴ Cogtse dunla yodkan khacigga ŋo yoŋste cig taŋ cigga zers, "Cia itsogssi ŋizhim rincanbo godla taŋste innog? ⁵ Ibo lo ciggi lacha zamshigga tsoŋste yaŋ penebo nyalbacangunla taŋshigpiaŋ." Khoŋgunni te bumoboa maŋaŋte khaskyes.

⁶ Innaŋ Yeshui khoŋgunla mols, "Borraŋ, khoa cia khaa skyead? Khoe ŋe phia ma gyalla las coste innog. ⁷ Nyalbacangun khyozhaa nyampo tusgyun luspa, khyozhagunni nam coin samnaŋ khoŋgunla rogs co nyannanog. Innaŋ ŋaa khyoraŋgun nyampo tusgyun milus. ⁸ I bumoboe khoraŋŋa conyancespo coste innog. Yaŋ khoe ŋe zugspoa ŋizhim lugste tussi saŋ ŋunla se naŋŋa subcessi phia daŋdig coste innog. ⁹ De khyozhaa denba zerrad, jigsten gaŋpoe naŋŋa gamoe nastshul shadsa tshaŋmala, i bumoboe ŋaa coskanboŋ shade kho idtu coin."

Yude Yeshua ŋolog cocesla khachams.

14:10 ne 11

¹⁰ Tene lobtuŋ rcugnyissi naŋne cig, karyodpa Yuda lama uskyoŋgun yodsa soŋte Yeshu khoŋgunni lagga stadin zers. ¹¹ Khoe zerkanbo tshorte khoŋgun maŋaŋte thad, yaŋ khoa pene taŋcessi khachad cos. Tene khoe Yeshu stadcessi skabs tsalces gozug cos.

Stiŋjuggi goŋzan.

14:12 ne 26

¹² Skyur medkanni tagi tuschenni gome zhag, nam pesaggi lugpo ŋogchodla phullad, Yeshui lobtuŋgunni khoŋŋa ŋis, "Ŋazhaa soŋte nyeraŋ doncessi phia

pesaggi dontaŋ karu ɗalɗig cole?" ¹³ Tene Yeshui khoŋraŋŋi lobɗug nyis Yerushalemma lamcugga dzadin mols, "Gyalse naŋŋa soŋ, teru chukar khurkanni mizhig khyozhagunla thugcen, khoe stiŋraŋne soŋ. ¹⁴ Kho zhugste chasi khaŋpe khaŋdagpoa zer 'Lobponni ɗiarag, "Ɗonpo zhugsse naŋbo kane yod, teru ŋe ŋaraŋŋi lobɗuggun nyampo pesaggi zan zen?" ¹⁵ Khoe khyozhaa stanthogga ɗalɗig coskanni naŋ chenmozhig stancen, ŋadaŋgunni phia teru dontaŋŋi ɗal cos." ¹⁶ Lobɗuggun gyalse naŋŋa soŋ, yaŋ citshaŋma Yeshui molkan naŋzhin thoŋ. Khoŋgunni teru pesaggi dontaŋ ɗalɗig cos.

¹⁷ Phitog chacig Yeshu lobɗug rcugnyis nyampo teru leb. ¹⁸ Khoŋgun cogtse dunla dontaŋ donin yodtus Yeshui mols, "Ɗe khyozhaa denba zerrad, ika ŋa nyampo zen yodkangunni naŋne ciggi ŋolog coste ŋa ɗaogunni lagga stadin."

¹⁹ Khoŋgun maŋaŋte tsherte, ciggi stiŋne ciggi ɗis, "Tantan ŋata maŋɗo?"

²⁰ Khoŋŋi lansalla dzads, "Ika ŋa nyampo daben ciggi naŋne zakan khyozhaa rcugnyispoe naŋne cig innog. ²¹ Dampe suŋrabssi naŋŋa Griiste yodkan naŋzhin mirigssibu shigos, innaŋ mirigssibu ɗaoe lagga stadcescanni miboa tsamshiggi jigspa miyoŋ. Te saŋta kho maskyepinna khoe phia gyalla yodɗo."

²² Dontaŋ donin yodtus, Yeshui tagi namste Konchogga thugrjeche zhuste cagga dzads yaŋ lobɗuggunla salin mols, "Ibo ŋe zugspo in, len."

²³ Tene donskyogpo nams yaŋ Konchogga thugrjeche zhuste khoŋgunla sals yaŋ khoŋ tshaŋme tenaŋne thuŋs. ²⁴ Khoŋŋi khoŋgunla mols, "Ibo ŋe ɗag in kaboe Konchog taŋ khoŋŋi migunni parla chaddonbo tantan dzaddanog, yaŋ mi maŋpoe phia ɗogchod tshulla phos. ²⁵ Ɗe khyozhaa denba zerrad, i rgunchaŋbo ŋe yaŋskyar mithuŋ namtshogpa Konchoggi gyaɗsiddi naŋŋa iboa soma tontag misal."

²⁶ Khoŋgunni Konchogga stodpe lu phul tsharracig, khoŋgun oliwwi ria skyods.

Pitarri skorla Yeshui luŋstan dzads.

14:27 ne 31

²⁷ Yeshui khoŋgunla mols, "Khyozhaa tshaŋme ŋaa phaŋste chen, ciazerna dampe suŋrabssi naŋŋa Konchoggi molla dzadte dug,

'Ɗe lugsdzibo sadin

Yaŋ luggun kanekaru yante chen"^t

^t14:27 ibo zhalchad snyiŋpe zakarye speche 13:7 naŋŋa yodte innog

²⁸ "Innaŋ ɲa sontea laŋŋa dzadte stiŋne khyozhe saŋ sɲunla Galillii yuljoŋsla chen."

²⁹ Pitarri zers, "Tshaŋme nyeraŋ phaŋnaŋ, ɲe mane miphaŋ."

³⁰ Yeshui lansals, "Piŋar ɲe khoranŋa denba zerrad, inna tshanla capoe caskad lan nyis taŋŋi saŋ sɲunla, khyoranŋi ɲaa lan sum misheszun taŋin."

³¹ Pitarri utshugs taŋste zers, "Ŋa nyeraŋ nyampo shigosnaŋ, ɲe nyeraŋ misheszun mane mitaŋ." Tenna tsogs zhan tshaŋmeaŋ zers.

Gedshemane nanŋa Yeshui moslam phulla dzads.

14:32 ne 42

³² Khoŋgun Gedshemane zerse nassa skyods, yaŋ Yeshui khoŋraŋŋi lobɕuggunla mols, "Ŋaa moslam zhu zane khyozhagun ika dug."

³³ Khoŋŋi Pitar, Yakob taŋ Yohanan gun khoŋraŋ nyampo khyerra dzads, Yeshua thugstsher skyodte tshabssa dzads. ³⁴ Yeshui khoŋ tshaŋkoa mols, "Ŋe semsla tsherkha maŋante shices tsogs rag. Ika dug, ɲa nyampo nyid mataŋŋa laŋste dug."

³⁵ Khoŋ tsapigshig thagriŋŋa skyods, yaŋ seka gyelte, galtes nyanna khoŋŋi kane i sdugsŋalli tuspo thenna dzad molin moslam phulla dzads. ³⁶ Khoŋŋi mols, "Aba, ɲe yable, nyeraŋŋa citshaŋma dzad nyannanog. Thugrje dzadte i sdugsŋalli korebo ɲe kane thenna dzaddaŋ, innaŋ ɲe dodpa naŋzhin manpa, nyeraŋŋi thuggoŋs naŋzhin coa dzad."

³⁷ Tene Yeshu lobɕug tshaŋko yodsa logste skyods yaŋ khoŋgun nyidla soŋte zigs. Khoŋŋi Pitarla mols, "Shimon khyoraŋ nyidla soŋte inna? Chutshod ciggaŋ ɲa nyampo nyid mataŋŋa dugmanyanna? ³⁸ Khyozhaa sdigpe nanŋa migyelcessi phia nyid mataŋŋa moslam zhus. Semsnyiddi dodpa sdigpe nanŋa migyelces yodnaŋ zugspo uthugs yodte innog."

³⁹ Yaŋskyar Yeshu tsapig thagriŋŋa skyodte tenna tsogs moslam zhua dzads.

⁴⁰ Khoŋ logste skyoddacig, lobɕuggun ŋante ɲalcespoe nyidla soŋte zigs, thelba chacespoe khoŋgunla Yeshua caŋ zer manyan.

⁴¹ Yeshu lan sumpa logste skyoddacig, khoŋŋi mols, "Tarunŋaŋ khyozhaa nyid taŋin ɲaltshoada? Ta ɖig, tustshotpo lebtshar. Stos mirigssibua ɲolog coste sdigcangunni lagga stadin. ⁴² Loŋ, ɲadaŋgun chen. Stos, ɲaa ɲolog cokaŋbo yoŋŋala."

Yeshua ɲolog coste zums.**14:43 ne 52**

⁴³ Tsoo Yeshui zhalta salin yod zane lobɕug rcugnyispoe naɲne Yuda teka leb, kho nyampo lama uskyoɲgun, chosthimsla khaspagun taɲ Yahudapa uskyoɲgunni kalkanni mitshogs rai taɲ berga Rompo khurte yoɲs. ⁴⁴ ɲolog cokanboe khoɲgunla Yeshu zummala stagsshig coin zers "ɲe pug taɲkanni mibo khyozhe zumste stanpo coste ɕhidte khyer." ⁴⁵ Tennamalla Yuda Yeshu yodsa soɲte, "Lobponle" zerte pug taɲs.

⁴⁶ Tene zhanmagunni Yeshu zums yaɲ lcagthag nyampo tags. ⁴⁷ Innaɲ Yeshui nyemo yodkan ciggi, rai phiɲste lama chenmoe yogpoa gyabste khoe namchogpo cadtaɲs.

⁴⁸ Yeshui khoɲgunla mols, "Rai taɲ berga khurte ɲa zumma yoɲste ci ɲa stanshig innogga? ⁴⁹ Chodkhaɲɲi naɲɲa zhagdaɲ ɲe labzha taɲ zane khyozhe ɲa cia mazumspin? Innaɲ dampe suɲrabssi naɲɲa ɕia dzadkanbo ɕanda ɕubgos."

⁵⁰ Tene khoɲ phaɲste lobɕug tshaɲma shor. ⁵¹ Kuspo rassi Kos cigpo gonkanni khyogtoɲzhig gyabne yoɲɲadpin, mitshogssi kho zumces cospa, ⁵² khoe Kospo phaɲste ljernyalla shorte soɲ.

Yeshu waɲsulpe sde thusmigunni dunla khyoɲs.**14:53 ne 65**

⁵³ khoɲgunni Yeshu lama chenmo yodsa khyers, karu lama uskyoɲ tshaɲma, Yahudape uskyoɲgun taɲ chosthimsla khaspagun dzomste yodpin. ⁵⁴ Pitar lama chenmoe phoɕaɲɲi gyaɲskorri naɲkug tshogpa thagriɲzhigne khoɲɲi gyabne yoɲs. Teru kho suɲkangun nyampo mea soɲin dugs.

⁵⁵ Lama chenmo taɲ Yahudape tshogsdui thusmi tshaɲme Yeshu sadnyancessi spaɲpo tsals innaɲ khoɲgunla suaɲ mathob. ⁵⁶ Khoɲɲi gyabgalla zusme spaɲpo maɲpo taɲs, innaɲ khoɲgunni spaɲpo taɲkangun zobs mazobs. ⁵⁷ Stiɲjugga khacig laɲste Yeshui gyabgalla zusme spaɲpo taɲs, ⁵⁸ "Khoe 'ɲe, i chodkhaɲ mii lagpane stsigkanbo shigste zhag summi naɲɲa zhanyaɲzhig stsigin kabo mii lagpane mistsig' zerin ɲazhe tshor." ⁵⁹ Innaɲ khoɲgunni spaɲpo taɲkangunnaɲ zobs mazobs.

⁶⁰ Tene tshaɲme dunla lama chenmo laɲste Yeshua ɕis, "Khyoraɲɲi gyabgalla spaɲpo taɲkangunla lantaɲɲa medda? Raɲ skyobcessi phia khyoraɲɲa zerces

yodda? " ⁶¹ Innaj Yeshue lan masalla cubcadte zhugs. Tene lama chenmoe khoṅṅa yaṅskyar ʔis, "Khyoraṅ ldamma dzadkanni Mashikaa, Konchoggi ʂas inna?"

⁶² Yeshui mols, "Ḍaa in, yaṅ mirigssibu kunwaṅ Konchoggi chag yaspe thissika dugste namkhe ʂinnika zhonte yoṅṅa khyozhe thoṅin."

⁶³ Tene lama chenmo laṅste khoranṅi Kospo shags yaṅ zers, "Ḍadaṅṅa i saṅ maṅṅa spaṅpo ci gosin? ⁶⁴ Khoe dadlog cokanbo khyozhe tshorte innog. Khyozhe ci thagcaddad?"

Khoṅ tshaṅme kho sadgoshessi ospa innog zerte thagcads. ⁶⁵ Tene khoṅ khaciggi Yeshua thu gyabces gozugs, yaṅ khoṅṅi mig lagphis nyampo kabste khoṅṅa multhug coste rduṅin habgod taṅin zers, "Ḍazhaa luṅstan shoddaṅ khyoraṅṅa rduṅkanbo su innog?" Yaṅ ʂuṅkangunni khyerte khoṅṅa rduṅs.

Pitarri Yeshu misheszun taṅs.

14:66 ne 72

⁶⁶ Pitar phoḍaṅṅi gyaṅskorri naṅṅa dugste yodtus, Yahudape lama chenmoe yogmozhig khoe dunla yoṅs. ⁶⁷ Yaṅ Pitar mea ʂoin yodkanbo thoṅste bumoboe khoa zhibca coste stas yaṅ zers, "Khyoraṅṅaṅ Natsaredpa Yeshu nyampo dugpin."

⁶⁸ Innaj Pitarri misheszun taṅste zers, "Khyoraṅṅi ci skorla spera taṅste in. Ḍa caṅ gyusmed ya hagoa merag." Yaṅ kho gyaṅskorri ghoḗ dunla soṅte dugs. Tene capoe skad taṅs.

⁶⁹ Yogmoboe Pitar teka laṅste thoṅṅacig, khoe teka yodkan zhanmagunla yaṅskyar zers, "I miboṅ khoṅgunni ʔone cig innog."

⁷⁰ Innaj Pitarri yaṅskyar misheszun taṅs.

Tsapigshiggi stiṅne teka laṅste yodkan zhanyaṅ khaciggi Pitarla zers, "Tantanla khyoraṅ khoṅgunni ʔopa cig innog, ciazerna khyoraṅ Galillipa innog."

⁷¹ Pitarri khoa ṅan phogshig zerin naa skyalte zers, "Khyoraṅgunni spera taṅkanni te mibo ṅe shessamed." ⁷² Tennamalla lan nyispa capoe skad taṅs.

Tene Pitarla Yeshui, "Capoe caskad nyispa taṅṅi saṅ sṅunla, khyoraṅṅi ṅaa lan sum misheszun taṅin" molkanbo idtu yoṅs, yaṅ khoe sems chagste ṅus.

Yeshu Pilatu yodsa khyers.**15:1 ne 15**

15 ¹ Datog ma namone lama uskyongun, Yahudape uskyongun, chosthimsla khaspagun tañ Yahudape tshogsdui thusmi ganpoe Tsoo Yeshu sadcesla thagcads. Khoᅅgunni khoᅅᅇi chag ldamste kalon Pilatui lagga stadda khyers.

² Pilatui Yeshua ᅇis, "Khyoraᅇ Yahudape gyalpo inna?"

Yeshui lansals, "In, nyeraᅇᅇi zerkanbo in."

³ Tene lama uskyongunni khoᅅᅇi gyabgalla nyadgal maᅇpo kals. ⁴ Pilatui yaᅇskyar khoᅅᅇa ᅇis, "Khyoraᅇᅇi khoᅅgunla lantaᅇᅇa medda? Stossaᅇ! Khyoraᅇᅇi gyabgalla khoᅅgunni tsamshiggi skyonrjod corug?" ⁵ Innaᅇ Yeshui caᅇ mamol pasaᅇ, Pilatu halas.

⁶ Ta kalonni lugᅇol naᅇzhin pesaggi tuschen zane, khoe migunni zerkanni tsonpa cig tsonkhaᅇne phuddadpin. ⁷ Tedusla Rommi zhuᅇᅇi gyabgalla ᅇolog coste mi sadkan Barabas taᅇ khoe ᅇopagun tsonkhaᅇᅇi naᅇᅇa yodpin. ⁸ Mitshogspo Pilatu yodsa yoᅇste khoᅅᅇa tusgyun tsogsla tsonpazhig phudcessi phia zers.

⁹ Pilatui ᅇis, "Yahudape gyalpobo phudna, thadces ragga?" ¹⁰ (Lama uskyongun Yeshuika tshigcespoe khoᅇ Pilatui lagga stadkanbo khoa gyusyodpin.) ¹¹ Innaᅇ lama uskyongunni mitshogsla lce kolte Yeshui tshabsla Barabas phudcessi phia Pilatua zhuwa phulcugs. ¹² Pilatui khoᅅgunla ᅇis, "Tene ᅇe khyozhagunni yahude gyalpo zerkanni miboa ci co?"

¹³ Khoᅅgunni logste kuco taᅇs, "Kho ᅇkyaᅇshiᅇᅇa ᅇkyoᅇ."

¹⁴ Pilatui ᅇis, "Ciphia, khoe ᅇhimssi gyabgal ci costog?"

Innaᅇ mitshogssi kuco ᅇaᅇᅇe taᅇin zers, "Kho ᅇkyaᅇshiᅇᅇika ᅇkyoᅇ."

¹⁵ Mitshogspo thadcugste Pilatui khoᅅgunni phia Barabas tsonkhaᅇne phudcugs yaᅇ Yeshua stallcag gyabte ᅇkyaᅇshiᅇᅇika ᅇkyaᅇcesla magmi gunla stads.

Magmigunni Yeshua tshigpa ᅇags.**15:16 ne 20**

¹⁶ Magmigunni kalonni khar (Kaboia Pratorium zerrad) te naᅇᅇa Tsoo Yeshu khyerte magtshogs ganpoa dzomcesla bods. ¹⁷ Tegunni khoᅅᅇa gyalpoe doggi namzaa marpo tsogsshig skons, yaᅇ tsherme thorshog laste khoᅅᅇi ua skons. ¹⁸ Tegunni khoᅅᅇa tshigpa ᅇagin zers, "Yahudape gyalpoa stodpa." ¹⁹ Tegunni khoᅅᅇi uika berga nyampo rduᅇste khoᅅᅇa chilmag gyabs, yaᅇ Yeshui dunla

pigmoeka gyelte khoṅṅa chagphul zuntaṅs. ²⁰ Tshigpa ṣagste stiṅne khoṅṅunni gyalpoe namzaa marpobo phudte, Yeshua khoṅṅraṅṅi namzabo skons. Tene khoṅ ṣkyaṅshiṅṅika ṣkyaṅcesla khyers.

Ṣkyaṅshiṅṅika ṣkyaṅs.

15:21 ne 32

²¹ Tsoo Yeshu thidte khyer zane alegzander taṅ Ruphussi aba, Kirinpa Shimon gamyunne gyalse naṅṅa yoṅṅadpin yaṅ magmigunni khoa waṅ taṅste Yeshui ṣkyaṅshiṅ khurcugs. ²² Khoṅṅunni Yeshu Golgotha (Kaboe tontagpo goi ruspe sakyad) zerkanni nasseka khyers." ²³ Tene khoṅṅunni Yeshua mir zerkanni sman ṣeskanni chaṅ taṅs, innaṅ khoṅṅi tebo donna madzads.

²⁴ Tene khoṅṅunni Yeshu ṣkyaṅshiṅṅika ṣkyaṅs yaṅ khoṅṅi namzaa gocesla gyan gyabs. ²⁵ Yeshu ṣkyaṅshiṅṅika ṣkyaṅ zane, ṅatoggi chutshod rgupa chadpin. ²⁶ Khoṅṅa nyadgal kalkanni stagspoeka Yahudape gyalpo Griiste yodpin. ²⁷ Cagpa nyis khoṅ nyampo ṣkyaṅshiṅṅika ṣkyaṅs, cigpo khoṅṅi yaspa yaṅ cigpo yomaa. ²⁸ u

²⁹ Te nassa gyudte ḍulkangunni go yugte smadra taṅin zers, "Chodkhaṅ shigste zhag summi naṅṅa stsigin zerkan khyod, ³⁰ ṣkyaṅshiṅṅi kane yogga babste raṅ skyobbaṅ."

³¹ Tenna tsogsla lama uskyoṅṅun, chosthimsla khaspagun taṅ Yahudape uskyoṅṅunnaṅ khoṅṅa tshigpa ṣagin zers, "Khoe zhanmagun skyobs, innaṅ khorāṅ skyobnyanna midug. ³² I Idamma dzadkanni Mashika, Israelpe gyalpo, ṣkyaṅshiṅṅi kane dagsa babste yoṅṅa, ṅazhe thoṅte tatpa coin." Yeshu nyampo ṣkyaṅshiṅṅika ṣkyaṅskangunnaṅ khoṅṅa tshig taṅs.

Yeshu ḍoṅs.

15:33 ne 41

³³ Nyiṅṅuṅne chutshod sumpa tshagpa yul gaṅpo muṅḍig soṅ. ³⁴ Tene chutshod sumpeka Yeshui suṅskad chenmoe naṅṅa bodda dzads, "Eloi, eloi, lema sabacthani." Kaboe tontagpo "Ḍe Konchog ṅe Konchog cia nyeraṅṅi ṅaa phaṅṅa dzadte in" molte innog.

^u**15:28** ṣpecha snyiṅṅpaa khaciggi naṅṅa kaṅpa 28 poe naṅṅa "Iboe dampe suṅrabssi naṅṅa ḍia dzadkanbo 'Khoṅ sdigcangunni ṅoa stsiin' zerkanbo ḍaṅḍaa ḍubte innog" Griiste yodte innog.

³⁵ Teka yodkangunni naŋne khaciggi tebo tshorracig zers, "Nyonshiggaŋ khoe luŋstonpa Eliya boddarag." ³⁶ Tegunni ʔone cig baŋtaŋste soŋ. Yaŋ rasbalzhig rgunchaŋ skyurmoe naŋŋa cugs yaŋ bergeka skyonte Yeshua doncesla taŋs. Zhanzhiggi zers, "Dugcuggaŋ. Luŋstonpa Eliyaa kho skyobbala skyoddugga stenba."

³⁷ Tene Yeshui skad chenmo nyampo kuco salte stiŋjuggi ugspo nenna dzads yaŋ ɔŋs. ³⁸ Tenna tusla chodkhaŋŋi yolla^v gone jug tshogpa khagnyissi naŋŋa chad.

³⁹ Yeshui dunla yodkanni maggye sponboe khoŋ ɔŋstshulbo thoŋte zers, "Tantanla i mibo Konchoggi ʃas inkyag."

⁴⁰ Thagriŋzhigne bumo khaciggi tegun sten yodpin. Tegunni ʔoa Miryam Magdallenma, Yoseb taŋ khoe no Yakobbi ama Miryam taŋ Salomi gun yodpin.

⁴¹ Galillii naŋŋa khoŋgun Yeshui gyabne ɔulte khoŋŋi gossdomgunla stastog coadpin. Khoŋ nyampo Yerushalemma yoŋkanni bumo maŋpozhiŋgaŋ teru yodpin.

Yeshui spur spurkhaŋŋi naŋŋa zhus.

15:42 ne 47

⁴² Zapasaŋŋi zhag (Yaŋŋa shabbaddi ŋaltshoe zhaggi saŋ sŋunme zhagpo), ɔalɔdiggi zhag inpin, muncurubkyis yod zane, ⁴³ Yahudape tshogsdui thusmi khagcan inkan Arimathapa Yoseb, kabo Konchoggi gyalʃid lebcesla ʃuŋste yodpin. Khoe hampa coste Pilatuika soŋte khoa Yeshui spur sal zerte zhuwa phuls.

⁴⁴ Yeshu ɔŋtsharkanbo tshorte Pilatu halas, yaŋ maggye sponbo bodte Yeshu ɔŋtshartogga zerte ʔis. ⁴⁵ Khoe kane Yeshu ɔŋtsharkanbo tshorte stiŋne, Pilatui Yosebba khoŋŋi spurbo khyercesla goŋspa taŋs. ⁴⁶ Tene Yosebba ras kuspo khyoŋs yaŋ Yeshui spurbo ʃkyaŋshiŋŋi kane phabste tenaŋŋa tums, yaŋ ɔaggi naŋŋa skoste yodkanni spurkhaŋzhiggi naŋŋa bors. Tene khoe spurkhaŋŋi kheka rdoa leleb chenmozhiŋg rilte kabs. ⁴⁷ Magdallenma Miryam taŋ Yosebba ama Miryammi Yeshui spur borra dzadkanni nassabo thoŋ.

Shikangunni ʔone sonea zhaŋs.

16:1 ne 8

16 ¹ Zaspembe phitog shabbaddi zhagpo tsharracig, Miryam Magdallenma, Miryam Yakobbi ama taŋ Salomi gun Yeshui spurla skucessi phia

^v**15:38** i yollabo chodkhaŋŋi naŋŋa tshaŋmesaŋ dampe nassa taŋ luskanni nasse naŋŋa par phecesla taŋste yodpin.

tizhimcanni mar tañ marnag nyoa soñ. ² Zanyime zhagga ñatog ñamo nyima sharracig, khonğun Yeshui spurkhañña soñ. ³ Lamne chaa zane, khonğunni cig tañ cigga ñis, "Spurkhaññi khaa kabste yodkanni rdoa leblebpo sui rilin?" ⁴ Teka lebbacig khonğunni kyenla staspa, te rdoabo riltsharte thoñ.

⁵ Spurkhaññi nañña zhugsacig, khonğunni tenañña khyogtonzhig koslag karmo gonte yaspa chogsla dugste thoñpa, maşante jigs. ⁶ Innañ khonñi mols, "Jigs majigs, khyozhe şkyañşhiññika şkyañşkan Natsaredpa Yeshua tsallanog. Khoñ sontea zhañste in. Khoñ ika med. Khoññi spur borse nassa stos. ⁷ Ta soñte khonñi lobtuggun tañ Pitarla igun shodshig, "Yeshu khyozhagunni sañ sñunla Galillii yuljoñssi nañña skyodin. Teru khyozhagunla khoñ jalin, kazug sñunla khonñi molla dzads."

⁸ Bumogun jigste darin thetshoms nyampo spurkhañne gyugste soñ. Te thoñkan tshañma suzhiggañ mashads, ciazerna khonğun şante jigste yodpin. ^w

Markussi Griiskanni stinjug riñmo

16:9 ne 20

⁹ (Yeshu shikangunni ñone sontea lañña dzadte zanyime zhagga ñatog ñamone, Yeshu khonrañ goma sñon cugga dzadkanbo khonñi goñpo rdun phiñña dzadkanni bummo Miryam Magdallenma inpin. ¹⁰ Te bumobo soñte sdugpo coin ñuin yodkanni lobtuggunla khoa thoñkan tshañma shads. ¹¹ Innañ khonğunni Yeshu sontea lañña dzadte dug, yañ khoe thoñ zerte tshorkanboa idshes macos.

¹² Teboe stiñne Yeshui Yerushalem gyalse philogne ðulte chen yodkanni lobtug nyisla khonrañ sñon cugga dzads. Innañ khonñi thoñzo sosozhig yodpin. ¹³ Khoñ nyisko zhanyañ lobtuggunla shaddala logste soñ. Innañ khonğunni kho nyiskoe shadkanboa den mashes.

¹⁴ Te stiñne lobtug cugshigpo zanzen yod zane, Yeshui khonrañ khonğunla sñon cugga dzads. Khoññi tegunla snyiñ skyoñpo tañ tatpa micocesla khaskyeya dzads, ciazerna khonğunni Yeshu sontea lañña dzadte thoñkangunnika idshes macoa inpin.

¹⁵ Yeshui khonğunla mols, "Jigstenni khag tshañma soñte tshañmala gamoe nastshul shod. ¹⁶ Tatpa khyoñste thuslenkangun skyobin. Innañ tatpa macokangunla skyon kalte chadpa phogin. ¹⁷ Tatpa cokangunni i stasgun stanin. Ñe waññi nañña

^w16:8 Markussi ðia dzadkanni gamoe nastshul thuññabo kañpa 8 tsharranog. Innañ riñmobo kañpa 20 tshogpa Griiste yodte innog.

rdudgun phiñin. Tegunni malabskanni yañ skaddi nañña spera tañin. ¹⁸ Khoṅgunni rulgun lagpe nañña len thubin, tug thuñnañ khoṅgunla cañ michaa, tegunni nadpagunla lagpa stsena khoṅgun phanin."

¹⁹ Tsoo Yeshui tegun nyampo zhalta saltsharte stiñne khoṅ namkhaa khyerra dzads, yañ Konchoggi chag yaspe thissika zhugsa dzads. ²⁰ Lobṭuggun karuñsa soñte gamoe nastshul shads. Khoṅgunni shadkanni lonbo denba inkan stancesi phia Tsooe khoṅgun gyudte halasshessi stasgun stanna dzadte innog)..